

LIBRARY  
OF THE  
UNIVERSITY  
OF ILLINOIS


Emblems  
x241

P77c

RARE BOOK ROOM

346 LIBRARY





Digitized by the Internet Archive  
in 2010 with funding from  
University of Illinois Urbana-Champaign





FRANCISCI  
PONÆ  
cardiomorphoseos  
SIVE  
EX CORDE  
DESVMPTEA  
Emblemata  
SACRA

VERONÆ Superiorum permissu. MDCXXXV. Gg.f.

1774

7 200

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000



Eminentissimo, ac Reuerendissimo

PRINCIPI


S. R. E.

Cardinali Amplissimo

D. D.

IVLIO MAZZARINO.

FRANCISCVS PONA F.



OS inualuit Auctori-  
bus ( EMINENTISSIME  
PRINCEPS ) Operi-  
bus Patrocinium vt  
quærant. Terrarum

Orbem veluti de specula perlu-  
stranti mihi, inter Sacrorum An-  
tistites

tistites dignior Te conspectus nullus, supremum qui tenes Virtutis apicem, cui Fortuna obsequens, foeliciter ancillatur. Solidioris Tu Gloriæ à puero irritamenta sensisti; Regnorumquè, ephebus adhuc, concepisti momenta; rerum agendarum vt molem, paribus ponderi humeris susciperes, & perferres. Te proinde expetièrè Pontifices, Te quæsiuit Purpura, Te peroptarunt Reges. Testantur Sabaudia, Hispaniæ, Galliæ, maximum Te fuisse semper in maximis: Europæ namquè proprio ruentis pondere, auertisti sapienti dexteritate pericula. Tuam ergo

en



en meritò augustissimum Franco-  
rum Regnum, vix modò Ampli-  
tudinem capit; Tuis quoque ad-  
miniculis auctâ beatæ Regionis  
foelicitate: dum Galliæ sibi adhuc  
in Te Superstitem gratulantur pa-  
rem Purpurâ, & Meritis, Heroem  
celeberrimum illum, cuius gesta,  
ingenti argumento lassarunt Fa-  
mam. Ecquis præter Te (Heros  
Amplissime) Italiam penè nutan-  
tem, prouido Consilio suffulxit?  
Quis Cœlo, Genioquè dispares  
conciliauit Prouincias? Quis mu-  
tuâ fide, dissidentia inter se Re-  
gnâ coniunxit? Quis à Populis in-  
ter se rixantibus, leni Prudentiâ,  
parem

parem beneuolentiam extorsit ?  
 Ista ( PRINCEPS OPTIME ) rude  
 ingenium modò cient in Laudes ;  
 stilumque in encomia , quamquam  
 hebetem acuunt . At cur Tua mo-  
 dò tentem gesta colligere , quibus  
 nec grandia suffectura sunt Histo-  
 riæ Volumina ? Beabunt satis su-  
 perque Tua Nomina exiguum  
 Opus , me si fronti lubens inscrip-  
 sisse patieris ; exileque munus , cel-  
 sa non respuet dextera . Nec ta-  
 men CORDIS Vnius mei mu-  
 nusculo , tantæ audebo Merito-  
 rum maiestati litare : dedecet ,  
 quicquid HECATOMBE minus , tam  
 amplas Aras ; hanc profanis ex-  
 plosis

plosis ritibus , per SACRORVM CEN-  
 TVRIAM CORDIVM adorno :  
 quodquè fausto iubeas omine ef-  
 se , appendo Pietatis Opus : non  
 ista , qualia olim , Iuuentæ redo-  
 lent vanitatem ; nec erit cur vn-  
 quam pigeat , seria isthęc exarasse.  
 Parcat ( oro supplex ) suauissimus  
 TVÆ EMINENTIÆ Genius , auden-  
 ti fortè altius Humilitati , si , vt  
 vota venerantis animi foeliciùs  
 emitteret , tàm sublimes adspira-  
 uit ad Tholos : Deus quoque  
 humilia despicit ex alto , nec ta-  
 men despicit ; propensumque ob-  
 sequium pondus dare muneri per-  
 fert . Ipse si Opusculo faueris , iter  
 ad


ad publicam sternes gratiam. Ea  
Tibi interim beata perennet, &  
cumuletur fœlicitas, quam Tuus  
verè Eminentissimus Genius, Re-  
gnis peperit, aluit, propagavit.

Veronæ IV. Non. Maij  
M DC XLV.





*Liber En ad T E redeo.*



*Peccator ad se reuersus.*

*Rythmus Apodos.*

**T**E laudamus Dominum,  
Celsum Cęlorum Principem;  
Tibi vouemus Canticum:  
Tibi Triumphum canimus,

Potentię tu fastigium,  
Tu Sapientię culmina  
Tu Bonitatis apices  
Tenes, regnans in secula.

A

Errabam

Errabam cæcus, deuius,  
 Septus hinc inde sordibus.  
 Mancipium Hostis Inferi,  
 Catenis vinctus horridis.

Forti (heu nimis) imperio,  
 Caro iam Carni infederat:  
 Mundusque iam seduxerat  
 Palantem (vafer) animum.

Retia sæpè Diaboli  
 Subiuit desiderium:  
 Foedo Voluntas Aucupii  
 Prædam se dedit miseranti.

Deus misertus plasmatis  
 Omnipotentis dexteræ,  
 Cœcâ demersum caucâ  
 Tu visitasti lumine.

O lumen Sole clarius,  
 Vita', Salusque Gentium.  
 Limo sepultum sordido,  
 Viuificasti Spiritum.

Tu dirupisti vincula,  
 Tu contriuxisti laqueum:  
 LIBER EN AD TE REDEO  
 Dulcis Adiutor Optime.

Animæ flecto genua,  
 Sanctumque Nomen inuoco.  
 Hostiam laudis offero,  
 Quid boni, ultra retribuam?

Squammæ cadunt ab oculis,  
 Disrupta cedunt vincula,  
 Liber iam ad te redeo,  
 O Sempiterna Bonitas.

Non me Mors terret imminens;  
 Non Maris æstus minitans;  
 Non ira Regum percutit,  
 Amor me dulcis reuocat.

Diù quærentis Numinis,  
 Amantem Amor reddidit:  
 Diuus Amor purissimus,  
 Quò nil Amanti dulcius.

Gloria Regi Domino,  
 Miranda cui sunt opera,  
 Hostibus qui præripuit,  
 Redimens Orbem Sanguine.

*Creavit Amando.*


**D**iuini immensitatem Amoris, Regia Creatio-  
nis aperuit Scena. Nil additum, creando,  
Numini; si essentiam spectemus. Deo, creaturæ  
non erat opus, nisi ut amando, semetipsum (ex

A 2 na-

naturâ Boni , difunderet . Optimus in fe , & Maximus , extra fe quidquam haud erat quod quæret . Creauit igitur , vt amaret , vtque amaretur ; Fons enim , & Origo Amoris , imo Amor eft . Probabilior Theologorum ſententiâ , ſcientiam Dei non eſſe rerum cauſam formaliter , per adiunctum voluntatis actum ; & cenſent , illam non poſſe cauſare , niſi per voluntatem determinatam , cui attribuitur Amor : Et licet intellectus , & voluntas Dei , concurrant immediatè ad productionem rerum in diuerſo genere , ſimpliciter tamen loquendo , voluntas , ideſt Amor eſt potior operis cauſa ; cum exercitium operis , primariò voluntati reſpondeat . Abſolutâ igitur Mundi Oeconomyâ Deus ( quem Hominis gratiâ conſtruxerat ) Hunc ad ſui imaginem fecit . Cor , Medicorum , & Philoſophorum ſententiâ , priùs generatur , & Vitale ſuſcipit munus : fortè ( ſi liceat humiliter coniectari ) in nuper creato Adam , cæpit præ cæteris membris Cor viuere ; quem deinde ordinem , totius propagationis ſeries ſecuta eſt . Dignitatem ſi contemplamur viſceris , id non abſonum videtur , niſi Orthodoxę veritati repugnet . Cor expetit Deus : ipſi namque inſident cogitationes , & Amoris reciprocatio . Decebat enim Cor Deum impenſiùs amare , eoquè magis , quia ipſum Deus CREAVIT AMANDO .



*Redemisti Me.*



**E**N tibi, Lector, Divinus Amor, quàm malè  
 habitus ab ijs, cum quibus suas esse delicias  
 voluit. O' admirandam, & disparem penitè ab  
 his, quæ præcessère Catastrophen ! Divam Ipse  
 maie-

maiestatem feruili obuoluit Carne, aciem ne oculorum obtunderet aspicientium. Paruulus dari nobis est passus, qui *Exultauit ut Gigas ad currendam viam, & cuius egressio à summo Cælo*. Solauerat Iesus miseros, leprosos mundauerat, erexerat claudos, iusserat videre cæcos: panum quinario, Turbas innumeras pauerat, quodque Diuinius, salutari doctrinâ deuios reuocauerat Peccatores. Qui tamen Rex Israel paulo pridem exceptus est Hierosolymis cum triumpho, eadem egreditur, grauissimam *baiulans sibi Crucem*, quam ut nos saluaret, alacri conscendit animo, ingentem Patri Spiritum redditurus. Filium Dauid fassi sunt Homines, Angeli, Demones: non tamen à Rege Atauo hæreditatem Sceptri tulit; Purpuram tantum exoletam ad ludibrium: & Clauem, Prophetâ testante; *Dabo ei Clauem David*, Crux fuit. Vnum sibi præterea Regis carmen (imo dimidium carminis) morienti referuauit: IN MANVS TVAS DOMINE COMMENDO SPIRITVM MEVM; reliquum acclini Cordi Peccatorum resipiscentium permisit, REDEMISTI ME DOMINE DEVS VERITATIS. Hostiam se obtulit pro Gentibus Iesus: Iesu suauissimo Seruatori, Hostiam se offerat Cor, *ut in nouissimo resurgens cum Christo*, mereatur Cœlitibus aggregari.

*Drachmam Inuēnit .*




**D**iuus Amor accensâ face , attento studio , nulli parcens labori , amissam Drachmam , Cor nimirum Peccatoris , cœno volutatum , imoquè solo inter Mundi purgamenta iacens

cens quærit. Proh Dilectionis ardores ! Dede-  
 rat Cordi aures, vt inspirationes audiret ; dederat  
 alas, vt ad sublimia contemplando volaret ; ip-  
 sum vero humi repens, inter Carnis sordes, Suis  
 instar delicias quærens, suæ dignitatis oblitum,  
 transitoria bona, æternæ prætulit gloriæ. Ster-  
 quilinium Carnis meruerat cum Tartari flammis  
 mutare : dulcissimus tamen Amor Iesus, Sui pe-  
 rire Imaginem ægrè passus, Charitatis lumen ac-  
 cendit, & *tanquam Cernuus, Hinnulusque Cer-*  
*uorum* discurrens, nullis parcit salebris,  
 inuijs nullis, donec pretio inexti-  
 mabili Sacrosancti Sangui-  
 nis *Drachmam* redimat,  
 Beatorumque  
 confor-  
 tio  
 adnumeret : quorum *super vno*  
*Peccatore maius fit gaudium,*  
*quàm super septem*  
*Iustorum A-*  
*nimas.*

*Donec*



*DONEC PONAM.*



**E**Xemptum Cor vinculis criminum , quæ Di-  
 uina dirupit Bonitas, Seruatori Optimo Glo-  
 riam cecinit: tandemque liberum ad se conuer-  
 sum ; Carnis illecebras, Mundi technas , Dia-  
 bolique

bolique insidias postlimino auersatus, ad Sacram  
Redemptionis anchoram, fausto se dirigit syde-  
re. Euitatis hostium decipulis, Diuo se se com-  
misit Amori; Inferis qui vt illud eriperet,

Penitentia deuinxit, reditum vt gra-  
tias, Miseratori Deo sisteret,

sua demum memor Origi-

nis, & optatam Se-

dem exqui-

rens,

toto voluntatis nisu,

Cœlesti gratia

cooperans.

\* \*

## VI.

*Suapte Naturâ.*

**C**OR, viscerum omnium calidissimum esse,  
Philosophi omnes, Medicique sunt fassi:  
spirituum quippe ærarium est, & natiui Fons  
caloris; vt semper exæstuans, perenni respira-

tionis egeat beneficio, ne ad interitum siccetur,  
 & incalescat. Viscus igitur SVAPTE NATVRA præ-  
 calidum, Diuini Amoris igniculis inflammari,  
 quid mirum? Mirum potiùs, inter Mundi tepê-  
 re vligines, imò frigescere; aut fluxas quærens  
 diuitias, aut male feriatas amoribus mancipatum;  
 quibus, & quies adimitur corpori, & animi

bona pereunt. Vratur itaque Sancti

Spiritus igne, vt mundo ipsi Cor-

de placeamus, & Creatori

suo, ipsum enixiùs aman-

ti, quantum in se

est, incom-

para-

bilis beneficia Amoris, ob-

sequij, & dilectionis

retributione

compen-

set.

*Scrutator Es Tu.*


**P**rofitetur Anatomen Diuus Amor, in Amplissimo Vniuersi Theatro. Mirandam spectat industriam, quidquid ab Empireo, ad Inferos. Dedignatur Is artus scindere, & impura ab-  
dominis



dominis viscera pertentare. Cordis tantum Regia intropiscit penetralia, huius etenim SCRVTATOR EST SOLVS. Penitiores distinguit fibras, & finus vtriusque, intimos inquirat recessus; adeò vt ne quidem imperceptibilis spiritus, Lynceum, efugiat obtutum. Expiat tu Peccator, à sordibus pectus, nares ne Dei fœtore, ne ve eius lumina Culpæ turpitudine ferias: *inscrutabile namque licet sit Cor tuum, & prauum, vt nequeat ab alijs cognosci*, Dominus videt, & probat illud: nam *quæ sunt Hominis nemo nouit, nisi spiritus Hominis, qui est in ipso. D. Paul. Epist. pr. ad Cor.* Cor ergo meritò diuus Amorperitâ manu contrectat, & aperit, *qui solus (vt pr. Regum 16.) nouit Hominum Corda: Auctori quippe tantum conceditur, conscientiam intrare secretam*, Proinde neq; Diabolus (vt D. ait Augustinus,) *Anima videre potest cogitationes: id enim argumentum fuit Deitatis in Christo: ex quo etiam Angelis hoc priuilegium fuit denegatum, solius Dei proprium, qui (vt habemus Rom. cap. 4.) vocat ea quæ non sunt, tamquam ea, quæ sunt.*

## VIII.

*VERBUM TVVM.*



**D**iuino Verbo Animam illustrante, ipsius Dei  
domicilium Cor, fulgenti veluti Elych-  
nio splendet, suis vt præfulgere pedibus possit :  
neque hæreas, Lector, quod pedes Cordi at-  
tribua-

tribuamus: non hodie primùm: hi sunt, de quibus Propheta Regius in Psalmis; STANTES ERANT PEDES NOSTRI, &c. sunt autem pedes, affectu strenuorum; qui in morem proximè discessuri, stare debent, non sedere; vix scilicet in Corde morari. Hi sunt, de quibus Propheta lugens ait. SORDES EIVS IN PEDIBVS EIVS, idest eius crimina in affectibus prauis, & inclinationibus peruerfis. Vt hos custodiret Deus, supplex orabat David. LIBERA PEDES MEOS A LAQVEO, idest à Tentatione vitricæ. Verbum enim Dei, vera & Sacrosancta LVCERNA est, quæ mentem irradians, errorum discutit caliginem, fideli præfulgens lumine. Facessite Vos LVCIANI, FRANCI, EVRETAE, aliorumque fictiles, imò cœnosæ LVCERNAE, cæco nistantes lumine. Facessite animorum peruertendis vestigijs aptæ, non dirigendis. Pereat memoria vestra cum sonitu: & vili cemento effictæ, iam tandem in viles cineres reuertamini; obruatque vos extemplo salutaris obliuio. LVCERNA adfulgeat credentibus *Verbum Domini*, vt imbuta Anima *salutaribus monitis*, ad beatitudinem peruenire ex Diuina bonitate mereatur.



*Clausus Clauo.*



**L** Vteum simulachrum, ferreo Cordi, vulgaris  
 Amor inculpserat ; fluxam nempe mulie-  
 bris oris imaginem ; aramque profanam peni-  
 tūs, fugaci erexerat Pulchritudini : Eiurat mo-  
 do

dò consilium imprudens ; impudensquè vultus ,  
 Rationis cogente Imperio , virili deturbatur pe-  
 ctore ; subeunte Mortis memoriâ . CLAVVS sic CLA-  
 vo trahitur , Valetè vos impura Carnis

Ludibria : Christo tandem vniuersum

Corpus inseruiat , vt cum re-

surget in Nouissimo , di-

gnè possit Animæ an-

cillari : dotibus-

queque beati-

ficiis

illustratum , cum Bea-


tis in æternum

letari .

\* \*

\*

*Non sinit me dormire.*



**N**Otissimum Ducis dictum . TROPHAEA MIL-  
 TIADIS NON SINUNT ME DORMIRE . At Cor  
 Iusti; non vanis gestorum phantasmatis moue-  
 tur, aut agitur; sed grati adfectus æstuans ar-  
 dore,

dore, Christi Iesu Domini nostri Trophæa Pas-  
sionis contemplans, adeò Amoris flammâ inea-  
lescit, vt iugi meditatione reuoluens, quid pro-  
fe passus sit Cœlestis Miltiades, inter gratiarum  
actiones, perpetuasque Dei Laudes vigila-

re cogatur à *Solis ortu, usque ad occasum,*

& ab occasu ad ortum, vt Dei

Miserantis Clementiam,

feruidâ, sollicitâque

oratione, toto

Animæ

Corde, glorificet, &

adoret.

\* \*

*Procul Este Prophani.*




**A**rcem arduam, inaccessam, multiplici septam muro, ædificauit Rex Deus Cor Hominis, sibi que in Domicilium elegit: ac Perduellis Diabolus, pariter inhabitare contendit.

Simul



Simul utique hos esse non decet: alterutri igitur  
 sese credit, pro Custodis arbitrio. Custos Vo-  
 luntas est, quæ Regi Deo, sinceram si fidem ser-  
 uet, Regno Cœlorum Arcem adscribit; si verò  
 turpi defectione recedat, Hosti mancipat ad per-  
 ditionem. Vigil itaque Amor excubat Diuus,  
 prophanum ut quodcumque arceat; cogitatio-  
 nes nimirum impias, vanas, & quomodolibet  
 prauas, ex quibus solent, & verborum crimina,  
 & operum scelera deriuare. Circumspe-  
 ctione ergo opus est, ut si quis appro-  
 pinquet Hostis, illicò interna vir-  
 tutum cohors excitetur, quæ  
 in irrumpens Vitium  
 insurgat, & ab e-  
 xitiali Sen-  
 suum  
 inuasiōe præmuniat, ne quando  
 assentiens Voluntas, Arx  
 in Tyranni potesta-  
 tem deue-  
 niat.

*Nec Tamen Diu.*



**E**clipsim vides. Stant e regione Cor, & Iustitia Sol Deus: at grauis, opacus, immobilis Terrę globus interiacet. Mundus ille de quo scriptum, & *MUNDVS EVM NON COGNOVIT*. Humum deses

deses Cor premit; auet tamen Solem suum aspicere IESVM DOMINVM, vnde ipsi Lumen, Salus, & Vita. Currit indefessus CHRISTVS SOL AETERNVS, Redemptionis Eccliticam: & viuificô radiô, Cordi fit à latere obuius, vt Mundi sic tandem euanescent obstacula. Sibi itaque gratulatur spem Cor, proximè adituri ipsum Luminis; seque ipsum solatur, Solis Clementissimū. NON DIV' ab futuros influxus; vt eius demum feruens calore, ad sublimia allici queat. Nec mirum, Cor deperire Diuinum Solem; summa quippe inter ipsos intercedit Analogia. Sol enim motu, & radijs illustrat cuncta, & Cor dicitur Mundi; Cor autem, Sol Hominis vocabatur ab Antiquis, quoniam Microcosmum irradiat, & viuificat Spiritibus: Sol motu, & calore, vniuersa exhilarat: Terram coronat floribus, geminis mineras ditat, animalia generat, & conseruat; vt hunc Sidus prosperum, & salutare, Philosophus nuncupauerit; rerumque omnium Alumnum; & quo remoto horrescit terra, spoliantur arbores, & infœcunda fiunt cuncta; Sic Cordis spiritus, mouente moti nisi ab Anima, in Homine vitam fouent, vt Cor, dici Sol Microcosmi, concinnè queat.



*Non Comburetur.*



**N**Ota ex Tacito, perempti Viru Germanici,  
Historia; cuius cadauere flammis absum-  
pto, rogo adhuc Cor insedit intactum, ex quo  
veneficij facta Populo Romano suspicio. Obse-  
dit

dit Infernus Anguis , Peccantis Cor ; euomuit in  
 intimis sinibus exitiale venenum Culpæ : Am-  
 re Diuino NON COMBURETUR Cor miserum : re-  
 nuit suauissimum dilectionis incendium , viscus  
 turpi peccatorum pharmaco conspurcatum . Re-  
 mouemus Serpentes : aderit Dei Cratia , præ-  
 potens superando veneno Antidotus , vt felici  
 possit igne , Cor diuinitus inflammari . Huc  
 spectat locus *Plinij lib. 11. cap. 37.* Negatur cre-  
 mari posse Cor in ijs , qui Cardiaco morbo labo-  
 rant : negatur & VENENO interemptis . Cer-

tè extat Oratio Vitellij , quæ reum Pi-

sonem eius sceleris coarguit , hoc

vsus argumento : palam-

que testatus , non po-

tuisse OB VENE-

NVM, Cor

Ger-

manici Cæsaris

cremari .

\* \*

✱

## XIV.

*Si rasa sit Tabula.*



**P**ingit Amor Diuus , non fugaces vulgaris A-  
 moris spectra , sed Cœlestis pulchritudinis  
 formas . Se namque ipsum , Cordi inscribit  
 Amanti . Cuius gaudet candore ; non enim Nisi

RASA SIT TABVLA, ingens æterna dextera o-  
 pus aggreditur. Illibatum Cor amat, nulla cui  
 infideant figmenta seculi, aut phantasie  
 deliria: salutare ei imprimit Nomen:  
 ex quo Cœlestis pignora Glo-  
 riæ, degens adhuc inter  
 mortales præ-  
 libet.

\* \*  
 \*

XV.


*Crea in Me.*

**E** Nixius Amantem Dominum Deum suum ,  
 redamat Anima , pretioso redempta sanguine :  
 satis nec sibi facit amando . Angustias de-  
 plorat Cordis ; exiguo namque hospitari erga-  
 stulo



stulo Deum , se pudet . Mundi igitur Condito-  
 rem , vt dignè possit excipere , MVNDVM vt in se  
 creet , supplex orat , vt congruo possit Vniuersi  
 Opificem recipere hospitio . Cor itaquè mun-  
 dum , idest ab omni criminum labe deter-  
 sum , exoptat ; sed in Corde , Mun-  
 dum desiderat , vt amplissimâ Re-  
 galis Aulæ Munditie ,  
 Regem Deum  
 colere ,  
 amare , adorareque  
 valeat .

\* \*  
 \*



**V**olentes ducimur, nolentes trahimur in flagella. Pertulit Agnus innocens, flagra non tantum pro nobis, sed Clavos, Lanceam, Crucem. Ipse dolores nostros tulit, & peccata nostra, proh

proh Amor! ipse portauit. Cruci ergo Corde he-  
rentes, sin minus fixi clauis, lubenti animo, ac  
sponte Parato, perferamus flagella, & Diuinæ  
subscribamus alacres voluntati; eiusque Proui-  
dentia exitum feramus patienter. Vtinam

nos in hac Vita corripiat, ne perdat in  
alia. Vires prius inspicit nostras,  
deinde tentat; vtilem sem-  
per probationem in-  
tendens, *non enim*

*Deus inten-  
tator*

*malorum est, nam correctio eius sem-  
per cum dilectione, & ad Sa-  
lutem per emendationem.  
dirigitur.*

\* \*  
\*

XVII.

*Æstuat Infœlix.*

**M**acedonem adeo Gloriæ fuisse cupidum,  
 Veterum monumenta testantur, nullis ut  
 periculis, laboribusque pepercerit, dominium,  
 ut Vniuersi capesceret. Pardi figurâ meruit in  
 E Sacris

Sacris Paginis præmonstrari, vt Regnorum numerus, macularum varietate præsignaretur. Orbe tamen propè subacto ingemuit, cum plures dari intellexisset.

*Vnus Pæleo-Iuueni non sufficit Orbis ;  
ÆSTVAT INFELIX angusto limite Mundi,  
Vt Gyari inclusus scopulis, paruaque Seripho.*

Factum est tamen, vt votis frustratus miser, ætatis in meridie sublatus, nec Vniuersi Rex fieret, nec sua posset Regna vnico Sceptro concedere: in quatuor enim partes discerptum, suis reliquit Imperium; ex quo breui in diuersorum potestatem concessit; *omne* namque *Regnum* *in*

*se diuisum desolabitur*. Vastum itaque & inexplabile desiderium, laborat Orbis vni-

tate, & angustia: Cor etenim,

nisi ad paupertatem Spiri-

tus redigatur, quie-

scit nunquam;

vnus enim

Deus,

ipsum est Pax,

Quies, &

Gloria.

\* \* \*



*Ex Pulumari Pulumar.*

**F**ilia Nicolai Secundi Comitis Salmacensis ,  
 Vidua , Amoribus olim , & voluptati-  
 bus mancipata , florens ætate , formâ præ-  
 stans , diuitijs affluens , ad eam deuênit insa-  
 E 2 niam,

niam , vt nil præter luxum exquireret . Meri-  
 dies erat feruentior , cum illa se se vestibus  
 exuit , rosifquè altiùs stratis , nudatum corpus  
 immergit . Lenem dumquærit soporem , obdor-  
 mit Mortem spiritus: quippe cohibiti , cordi ne-  
 cem consciuere , suffocato calore . *Vidua quæ in*  
*delitijs est viuens , mortua est* , ait Aposto-

lus ad Tim. I. c. 5. PVLVINAR ex Rosis

sibi , se PVLVINAR parauit Morti ;

*Voluptatum igitur Vfsura ,*

*morbi non tantùm ,*

*fed, & Inte-*

*ritus .*


∴

*Pyrausta Cœlestis.*



**E**lementum nullum animalibus expers, Natura est passa. Igni Pyraustam dedit, medijs flammis, ceu inter blandiores auras, Papilionis genus inuolans, fornacibus familiare. Fornax

nax est Cor, verè si Dei amans. Pyrausta, Anima est, felici quæ æstuans incendio, torretur, sed non consumitur; imò inter ardentis æstus delicias, ceu inter flores amantissimos lætatur, beato contenta rogo: donec perruptâ per corporis dissolutionem fornace, ad lumen IESU, in Cœlestis Empyreï sinu, felix ad æternitatem commigret.

*Vranoscopos.*

**O** *S Homini sublime dedit, Sulmcnensis cane-*  
*bat. Cor Homini sublime dedit, canamus*  
*Christicolæ; quorum est excelsa suspicere, &*  
*quæ sursum sunt quærere. Argus (obsecro) sit Cor*  
*nostrum;*



nostrum; Cœlestia iugiter contemplans; quoties enim terram respexerit, omninò eam sibi vilescere clamitabit. Vigilet Cor ad custodiam, ne insidijs, aut decipulis pereat. Excubet aduersus Hostes, *semper enim Diabolus quid deuoret, querit circuens; semper Caro quid insciat, semper Mundus, quem decipiat. Vigilemus (repeto) Nescientes diem, neque horam, ne imparatos inueniant Hostes.*

Neque tamen penitùs terrena auersemur,

sed tanquam villici rationem horum

reddituri, ita tractemus; vt infi-

mus Cordis oculus tel-

lurem aspiciat,

vt terreno-

rum.

sin nullæ, postremæ

saltem sint


curæ.

∴

XXI.

*Solo Sanguine.*

DEI AGNVS



**Q** Vale Mortalium Gazis, non inest adamantium vides Cor, bini quod mallei vicissim pertundunt : *Inspiratio*, & *Synderefsis* : chalibeos at illud ictus contemnit, pertinacique duritie respuit.

F

spuit.

spuit . At quamquam indomitum , hædi si sanguine  
 madescat , molle Victore frangitur , & facili  
 lenitate dehiscit . Peccator Adamas est : hinc be-  
 neficia pulsant , illinc tribulationes verberant ,  
 non tamen à se ipso recedit . Verum si Agni Cœ-  
 lestis Sanguine perfundatur ; idest Sacramento-  
 rum adeat ærarium , rumpitur illico , & amif-  
 sâ , quam induerat duritie , facilem se-  
 cruderationi salutari committit ;  
 ut per Pœnitentiæ opus , ad  
 varias Virtutum for-  
 mas , se se dispo-  
 nat , stu-  
 dio-  
 sèque reti-  
 neat .

*Locis Simul Pluribus.*



**I**nignis Dei Aulici laudes, rudi planè Hymno  
 pangimus ; cuius ex intercessione , insignia.  
 nobis à Deo beneficia extant. Sacra , simplici  
 gaudent Musâ : rudior si stylus, addictior sit pie-

tati animus. Spreuerint si fortè mortales, Cœli-  
tes non despicient.

## De Diuo ANTONIO de Padua Hymnus Apodos.

**A**ccede Musa tenuis,  
Faciât Poetam Pietas:  
Nunc primùm Rythmos canimus;  
Veniam, non laudem quarimus.

Adsit, vel absit numerus,  
Non laboramus anxij:  
Rebus incumbit animus,  
Verbaq; Genius suggerit.

Musa quinquagenaria  
Metri cur discat regulas?  
Metiatur Auris Carmina,  
Divo ancillentur syllaba.

O' Confessorum Gloria,  
Decus ô Lusitania,  
Grandis ô Splendor Patavi,  
Quod prætulisti Patria.

Aerarium per te Cœlicum  
Recluditur precantibus:  
Quidquid à REGE postulas  
Gratia florens impetras.



*Gentes Vos Vlisipona  
Regis defunctam Filiam  
Quæ vidistis resurgere,  
Conciuem SANCTVM colite.*

*Parisum Tu suscitās,  
ANTONI, mersum fluctibus:  
Regina Neptem pariter  
Toto iam functam triduo.*

*Quam Medoaci gurgites  
Absorpsérant Infantulam,  
Circumfluente Populo  
Signo Crucis restituis.*

*Infernos Hostes ejcis,  
Sensus internos permeas,  
Cæcos, Leprosos, Aridos,  
Sanas, fulcis, illuminas.*

*Edis passim miracula,  
Omne quæ captum superent;  
Exlegemque Tu Populum  
Exemplo ad CHRISTVM renocas.*

*Amissum si quid ploritet  
Vulgi demissus Spiritus,  
Demisso ex astris lumine  
Rem indicas deperditam.*

*Tu IESVM vlnis excipis,  
Figisque plantis oscula;  
Tremensque, & simul hilaris  
Ardes, & alges humilis.*

*Per te*

*Per te Pater Omnipotens ,  
 Mirandum opus edidit ;  
 Opus , cui nunquam simile  
 Fortè vidit Religio .*

*TV LOCIS SIMVL PLVRIBVS  
 Eodem degis Corpore ;  
 (Silete iam Philosophi)  
 Rerum sic Auctor imperat .*

*O mirum ! mirum centies !  
 In Concionis impetu  
 Pataui repletes Pergamum ,  
 Simulque Patriam incolis .*

*Vidit Patauium : celebrat  
 Excolendum Miraculum ,  
 Parentem dum innocuum  
 Diris supplicys eripis .*

*Calumniator inuidus  
 Miraculo confunditur :  
 Cæsus dum surgit Iuuenis ,  
 Homicidam qui decipit .*

*Vrbs ò felix Antenoris  
 Tantum sortita Genium ,  
 Quem Istri , & Gangis accola  
 Vt venerentur , adeunt .*

*Non Nisi Volentem.*



**E** Sca apparet Diabolo peroptata , Humanum  
 scilicet Cor, ipsi quo suavius nihil: Deo fir-  
 quidem illud requirenti, præcipere gaudet; cum  
 sciat nil enixius , Numen expetere , dicens, Fili

P R A E-

PRAEBE MIHI COR TVVM. Validiore itaque nisu, in-  
 hiat Cordi; at firma furentem cohibet Catena,  
 vt NON NISI VOLENTEM possit arripere, & com-  
 mordere: non enim permittit Deus, Hosti teter-  
 rimo in Hominis Animam grassari, nisi se spontè  
 lacerandum obtrudat; sic diuexandum.

Iob dedit Diabolo, hac exceptione,

vt *Animam eius seruaret*. Vigile-

mus ergo, & Canem infe-

rum inhiantem vt la-

niet, Diuino iu-


uante Spiri-

tu, cauea-

mus.

Et apparet Diabolo persequente Hominem  
 scilicet eum, qui per suum nomen Deum  
 vult se libere reuertere, per seipsum  
 non nisi voluntatem suam obsequi.

Pytha-

*Datur Optio.*

**P**ythagoræ Y seu maus Arbitrij biuium , ad  
 Virtutem, siue ad Vitium patens. Terras in-  
 greditur, liber Homo: vna ei soluta Voluntas,  
 nullâ Tirannorum vi subigenda. Diuinum cuili-

G bet



bet satis adfulget lumen, sufficiensque adlucescit gratia, vt cæteris deficientibus adminiculis, certè per Angelum Deus recticordes admoneat, dirigatque fidelis. DATVR itaque OPTIO, Supplicij, aut Præmij. Dei gratiâ, & miseratione iuuante opus est, sed & operantis voluntate

opus est: *Perditio enim tua ex te Israel;*

*nam qui fecit te sine te, non saluabit te*

*sine te.* Meliora igitur eligi-

to, viamque Salutis

per amorem, ti-

moremque

Dei

ingreditor alacer, vt declina-

to supplicij gladio, o-

leâ beatificâ in


æterna pace

fruaris.

\* \*

\*

XXV.  
*Sepe circumdedit Ei.*



**D**omini Vineæ est, Cor nostrum : suauissimos parit cogitationum racemos, si Pietatis floreat cultu. Innumera in hoc contulit Bonitatis Officia, Cœlestis Paterfamilias : detraxit  
 G 2 tandem


tandem spem Sacro de Vertice Coronam, vt  
ornaret non tantum, sed vt sepiet, & Infestos In-  
ferni Hostes abigeret: Dominica si quidem Pas-  
sionis memoria, ex Vinca Cordis, Inferos

Buprestes aspellit, tutò vt florere, dul-  
cesque perferre botros sanctarum  
possit cogitationum, in bo-  
norum Operum pro-  
uentum, Diuinâ  
cooperan-  
te  
beneficen-  
tiâ.



Omnia Vinea est Cor nostrum: Vinea  
est: nos per cogitationem nosmetipsos  
in hoc mundo. Tamen in hoc mundo Boni-  
tatis Officia, etiam per Vinea: Boni-  
tatem

XXVI.  
*Vnus Non Sufficit Ictus*



**A**ccedite, quibus adhuc Diuina Pietas Parentes commodat: Legite, & contremisnite. Notissima est impij in Patrem Absalon miserimi adolescentis Historia, ex Libro Reg. 2. c. 18.  
 Hunc

Hunc impensius adamauerat Dauid: Monstrum,  
dilectionem, contumaciâ, & odio rependit. Ab-  
hominatus est Deus tam ingrati animi Feram: Fi-  
liumquè nequam, *triplici lanceâ, corde transfi-*  
*xum*, propriâque simul comâ suspensum; perire,  
& ad Inferna ruere iussit. Legite filij, & horresci-  
te. Apostolum clamantem audite; *Filij obedite*  
*Patribus vestris*: siquè vestigium incautis, & de-  
uijs, rationis inest, vobis metuite. Vindex Nu-  
men imminet, nisi parentes (Brutis deteriores)  
diligatis, colatis. Præcepit id arctius Deus 4.  
Decalogi mandato; interminatâ etiam sæculi pœ-  
nâ. *Oculum qui subsannat Patrem, & qui despicit par-*  
*tum Matris suæ, effodiant eum Corui de torrentibus; &*  
*comedant eum Filij Aquilæ.* Has ingessit Sa-  
lomon minas, Prou. 30. 17. vidit autem

nuper in vico Montis Ferrati

Templum, (vt audiui) ple-  
nô Populi spectaculo  
funus, contuma-

cis Filij, cu-

ius ca-

daueri, Ecclesiam ingressi

Corui, indignos ocu-

los effode-  
runt.



*Fulcite Floribus, Stipate Malis.*



**C**ontrarijs inter se morbis laborat Cor: Sensus trahit, Mens vrget. Ille, voluptatem inter flores, hæc dolorem salubrem inter ægritudines expetit. Clamat iccirco, vtrunque stimulis

lis actum, & varijs se se deuouet affectionibus ag-  
 gitandum: Sensus illecebras facit, & Humano  
 iubet Amore languere: Mens admōnet, vt an-  
 gores floribus præferat, nam ex tribulatione so-  
 latium; & Diuino inspirat, vt Amore deficiat, ne  
 prosperitate insolescat, sed potiùs tribula-  
 tione cohibeatur. Pro Malis, suaue o-

lentes fructus scimus intelligi; at  
 nostro etiam semel acce-  
 ptum sensu vt liceat,

precamur suppli-

ces, nam

nu-

dum si spectemus verbum,

hanc etiam notio-

nem feret.

\* \*

*Plorat*

*Plorat ad Latitiam.*

**C**lepsidra est Cordiformis, irrigandis floribus concinnata; qui vberius si madeant, in amabilem amœnitatem succrescunt. Flores sunt desideria sancta, Animæ ad Deum reuersæ: quæ si la-

H

chry-


chrymarum alantur imbre, in miram floridarum  
virtutum varietatem erumpunt; *ut diuinis planè  
oculis placeant; nil enim gratius, quàm Peccatoris resi-  
piscencia, & pœnitudo Cœlestibus.* PLORAT ERGO AD LAE-  
TITIAM Cor, quod oculis fontem suggerit lachry-  
marum; & iuxta Propheticum Carmen, *In exulta-  
tione metet, quoniam seminauit in lachrymis; ut mani-  
pulos in Dei Gloria colligeret, æternâ fruitione ter  
felix. Cor à nobis Deus postulat: lachrymæ Sanguis  
Cordis sunt.* *Ex Basil. S.*

Cordis Clepsidrâ vsa est Magdalena, cum pe-  
des Saluatoris, largo lachrymarum perpluit nim-  
bo. O quàm feliciter hæc ad LAETITIAM PLORAVIT,  
quæ amando plurimum, meruit sibi peccata plu-  
rima condonari; *Ex Meretrice facta Christi Discipula.*

Sic & Petrus; in Christi fœdam, ac miseram ne-  
gationem illapsus, Clepsidram Cordis siccauit illa-  
chrymans, veniamq; non tantùm, sed & gratiarum  
plenitudinem impetrauit: immanisq; Peccati de-  
bitum, lachrymarum ampla solutione redemit.  
*Felices lachrymæ, quas benignæ manus Conditoris abster-  
gunt; & Beati oculi qui liquefieri elegerunt, (ut D. Ber-  
nardus) lachrymæ enim Penitentium, (ex eodem alibi)  
vinum sunt Angelorum, quia in illis odor Vitæ, sapor  
gratiæ, gustus indulgentiæ, sanitas redeuntis innocentie,  
reconciliationis incūditas, & serenitæ Conscientiæ suauitas.*  
Ploremus ergo ad letitiâ, peccati abstergētes lachrymis ma-  
culas, & virtutum simul flores, suauiter rigantes imbre.



*Mitte Radices.*




**T**ribulationum dulcedinem, & Patientiae suavitatem diu expertum Cor, aded Crucis infuevit dilectioni, & obsequio, vt ipsam a se neuti- quam recedere patiatur ; quinimò ipsi sic optat

H 2 vniri,



vniri, vt eadem prorsus sit Crucis, ac Cordis sub-  
 stantia, & Vita: *radices* igitur vt in se mittat, sup-  
 plex efflagitat, ex his enim sibi Virtutum flores,  
 & tandem Gloriæ fructus, securo animo spon-  
 det. Vtilis enim aded est tribulatio, vt probatio-  
 nem pariat, & ducat ad Gloriam; nam dixit Deus,  
*Cum ipso sum in tribulatione, eripiam eum, & glorificabo*  
*eum*; Ex quo tribulatio mereri videtur auxilium  
 Dei: sic David Psal. 68. *Quoniam tribulor, velociter*  
*exaudi me*: & Psal. 30. *Miserere mei Domine, quo-*  
*niam tribulor*. Nemo quantum profecerit,  
 nisi inter aduersa cognoscet. Inflat  
 prosperitate animus, tribulatione con-  
 teritur, & patientia Deo con-  
 iungitur, vt crescat Vi-  
 ta in nouissi-  
 mo.

XXX.

*Vbi Maius, Cessat Minus.*

**E**Lato in Cruce Dei Filio, ad Mundi tenebras  
 discutiendas tam rutilo exoriente Sole, Lumi-  
 nare vtrumque circa meridiem, noctem incurrit.  
 Obstupuit Vniuersum prodigiô perculsum: nec de-  
 fuit

fuit qui exclamaret , *Aut Deum Naturæ pati , aut Mundum perire* . Clarificauit Iesum Pater Omnipotens , cum in Iordane se Baptismati vltro exposuit : Pollicitus est iterum clarificare : iterum clarificauit in Cruce ; & adeò clarificauit ; vt Sol tanto lumine caligauerit , & Conditozem veneratus in folio euectum , tenebris se se atris condiderit . Accline Cor adstat , & in Redemptionis ange prouectum Dominum , salutare illustratum lumine , in diurnâ Mundi nocte , Meridiem suæ Lucis inuenit : tantumq; Mysterium , Crucis prouolutum radicibus , venerabundum adorat ; & SOLEM , qui est LVX VERA QVÆ ILLUMINAT OMNEM HOMINEM , vt Sui recordetur in Regno Cælorum , mutus Orator sic per silentium exorat ; *O fons æterni Amoris* , ( cum

D. Agust. lib. I. Confess. ) *quid tibi retri-*

*buam ? Quomodo potero tui obliuisci , qui*

*dignatus es mei recordari , etiam*

*postquam contabui , & pe-*

*rj , diligam te fortitudo*

*mea , firmamentum*

*meum , refu-*

*gium meum ,*

*liberator*

*meus , AMOR MEVS , & pu-*


*rissimus IESVS*

*meus .*

*\* In Pa-*

*In Pa-*

*In Pace In Idipsum.*




**O**lea, vulgare Pacis est symbolum. Oler  
heret Cor, Iesu Nomine inscriptum. Hoc  
internam Pacem, Arbor externam denotat. Qui  
in Pace igitur viuunt, etiam in Domino obdor-  
miunt,



miunt, iuxta Psalmi dictum: In pace in idipsum dormiam, & requiescam. Princeps enim Pacis est Christus: & Pacem suos annuntiari per Apostolos voluit: nil enim ipsa præstantius: & cuius Elogium habeas ex Augustino. Pax (inquit) est Serenitas mentis, tranquillitas animi, simplicitas CORDIS; vinculum amoris, consortium charitatis. Hæc simultates tollit, bella compescit, iras comprimit, superbos calcit, humiles amat, discordes sedat; cunctis placida; nescit inflari. Qui hanc acceperit, teneat; qui perdiderit, repetat; qui amiserit summo studio requirat: Pacem enim constituit Deus, præmium ambulanti in mandatis eius. Pax, Deum nobis; nobiscum nos; nos simul conciliat Proximo, *Nemo potest ad hereditatem Domini pervenire (Ait August. de verb. Dom.) qui testimonium Pacis observare noluerit.* Pacem omnes expetimus: per sororem eius Iustitiam est impetranda: ut his se inuicem osculantibus, gratiarum Copia impluat Coelestium. Pacem nos igitur amplectamur, nam, Pax nostra, Diabolo bellum est.



XXXII.

*Vidit Deus.*

**V**Ix Mortem, Propheta, Regi nuntiauerat æ-  
 grotanti, cum tactus languens dolore Cor-  
 dis intrinseco, ad parietem conuersus, cœpit in-  
 gemiscere, & flere; Clementiam ploratu extorque-  
 I re

re sperans ab Altissimo . Haud fefellit euentus  
 spem . Placatum est Numen , & reuocato veluti  
 consilio , Miserationi locum fecit . Cordis sunt san-  
 guis lachrymæ : obtulit Deo Rex pœnitens , cum  
 fletu Cor ; *fletendo enim , non ridendo placamus Dominum :  
 deliciae quippe eius , nostræ sunt lachrymæ .* Legatum mi-  
 sit Deus Prophetam ad Regem ; Rex fletum remi-  
 sit Oratorem ad dominum ; & *Légationem Compun-  
 ctio implevit , defluens per Oculos .* Vocis enim pondus  
 habent lachrymæ , quæ , ex Diuo Ansel. *impetrant si-  
 mul , & supplicant .* Ex quo D. Ambr. *Utiores (ait) la-  
 chrimarum preces puto , quàm sermonum . Sermo enim in-  
 terdum , non totum profert negotium , lachryma semper , to-  
 tum prodit affectum .* Dauid iccirco , paucis absolue-  
 bat orandi energiam , dicens *Domine ante te omne  
 desiderium meum , & gemitus meus à te non est abscondi-  
 tus .* Ploremus ergo ante Deum ; nam *Lachryma ac-  
 cusatoribus silentium imponit , sententiam quandoque ab  
 ore Iudicis rapit , audet vbi timet Angelus , nec est  
 qui illam ab ingressu secretorum perturbet ; &  
 sola si intret , nunquam sola , aut va-  
 cua redibit .* Experimentum  
 ex Emblemate  
 patens .

\* \*  
 \*

*Allicit Vt Denoret.*



**F**Abulantur (de more quidquid somniant exponentes Poetæ) Sirenes, Capite Passerum monstrosas fuisse mulieres: sic lib. 20. Hierogl. Pierius: Alij desinentes dixerunt in Piscem Virgines: Veriore

riore tamen liquet Historia, meretrices fuisse, & Psaltrias, hospites quæ allicerent cantu. Quos ita captos, adeò voluptatibus dementabant, vt obliuionem Patriæ, suorumque iniicerent. Ad pauperiem tandem, ac tabem adaçtos, cogeabant postrema necessitate perire. Sic *Mortem dabat ipsa Voluptas*: Alliciunt enim Meretrices vt Perdant. Has descripsit Egregiè Salomô Prou. VII. *Paratas ad capiendas animas, garrulas, vagas, impatientes quietis, procaci vultu blandientes, multisque sermonibus irretitos allicientes procos. Quas statim sequitur (Vecors Iuuenis) Quasi Bos ductus ad Victimam, & quasi Agnus lasciuientis, & ignorans, quod ad vincula stultus trahitur, donec transfigat sagitta iecur eius.* Ex quo, cautus præcipiebat Socrates, *Voluptates prætereundas tamquam Sirenes, ab ijs qui Virtutem, vt Patriam intueri percipiunt.* In quam pariter sententiam Synesius ad Herculanum, *Sirenes (ait) significare voluptates meretricias, quæ illos perdant, qui ipsarum cantibus, idest artibus, alliciuntur.* Viator est Cor, peregrè qui proficiscitur, donec Compræhensor fiat: ad Voragines sæpè, scopulos, monstra impingit. Inter hæc, meretricijs Sirenibus nil ad perdendum paratius. Malo itaque Crueis alligatum hæreat (non fabulosus Vlysses) vt Sirenium teterrimarum decipula vitet, ne apprehensum miserè lanient, & vorent.



## XXXIV.

*Dabit Igne Cogente.*



**S**alutis Assertore CHRISTO, Symeonis mensæ accumbente, accessit non vocata Peccatrix; *Cæpitquè rigare Pedes Eius.* Quæ risu pridie dissoluebatur, hodie planctu esolvitur; & conuiuantium



tium lætitiæ, Cordis gemitus miscet resipiscentis.  
 Dabant paulo ante petulantis scintillas Amoris oculi, modò beatum perpluunt imbrem; Quid mirum! Chymicus factus est Diuus Amor: subdidit is amanti pectori flammæ; sic ex oculis salutare promanarunt humores, quos sitiebat Saluator, COGENTE IGNE Charitatis, vt Cor defœcatum à crimine, fragrantibus ad labrum redderet aquas, vt mundos dum Christi perluit pedes, se ipsam munderet, publica quæ fuerat in Ciuitate Peccatrix. Silentium supplet lachrymis, veniamquè impetrat dum plorat; culpam confessa, pudore excusans, non eloquio. Se Peccatricem agnoscens, Agnū adit peccata tollentem Mundi. Nobis exemplo fuit, vt collapsi resurgeremus. *Nihil enim ita conglutinat & unit Deo, vt illæ lachrymæ quas Peccati dolor, & amor virtutum effundit. Illa in Euangelio Meretrix, Virgines quoq; ipsas Honestate superauit vt D. Chrysost.*

*Quantò enim quisque & sanctior, & desiderij sancti plenior, tanto est eius in orando, fletus vberior; vt Aug. lib. 20. de Ciuit. Dei.*

*Sanctorum quippe lachrymæ, a  
 feruore Charitatis profi-  
 liunt, quæ toti fla-  
 grant erga  
 Deum.*

\* \*  
 \*

*Sacrum Aerarium.*

**I**N mortuis densari suevit sanguis : at liquauit  
 Amor in Christo , qui emisso spiritu Iussit  
 militem , *insolitâ feritate* , *aperire latus* , ne gutta  
 cruoris in corpore remaneret . Imò superfoetavit  
 & Aquam

& Aquam, pariens dilectionem, & Mundi salutem  
 AMOR. SACRVM illud ÆRARIVM fuit, quo referato,  
 thesauri effluxêre sacramentorum: Aqua ad ablu-  
 tionem Baptismatis; Sanguis ad nutritionem, &  
 Vitam, in Eucharistia: Vita est in sanguine; Sic  
 Spiritualis Vita, in Christi spirituali sanguine viget  
 Ex latere Adæ veteris dormientis, sponsa eius  
 Eva cformata est: Ex latere noui Adam in Cruce  
 expirantis, educta est sponsa eius Ecclesia. Noe,  
 iussus est in latere Arcæ fenestram pandere, per  
 quam animalia ingrederentur, ne diluuiο peri-  
 rent: Sic Christi latus fidelibus patefactum, vt in  
 hoc asylo ab hostibus tutarentur. Hinc cecinit  
 Pietas, *intra tua vulnera absconde me; & Aqua lateris  
 Christi lava me.* Aqua, quam e Petra eduxerat Vir-  
 ga Moysis, apertè mysterium hoc augustissimum  
 præmonstrauit: nam (vt Apostolus) *Bibebant autem  
 de spiritali consequente eos Petrà, Petra autem erat Chri-  
 stus.* Augustinus notauit Euangelistam, Mysterium  
 decens Verbum vsurpasse *Aperuit latus*, non vul-  
 nerauit, percussit, sauciauit, transfodit, transfade-  
 git, transfuerberauit, aut simile; sed *Aperuit*, vt *O-  
 stium ÆRARII SACRAMENTORVM ECCLESIAE*, Christi  
 latus adoraremus.

*Interdix Tantum.*

**I**Nutile prorsus Horarium est index noctu, quò  
 Sol horas subdiuidit. Frustra Cor nostrum labo-  
 rat, nisi Iustitiæ Sol Christus illustret, suisque radijs  
 per tribulationum vmbras quid agendum, ceu o-  
 peribus


peribus per horas distributis ostendar. Nonne  
diei sunt horæ duodecim? Varijs igitur cogitatio-  
nibus, semper tamen Deum respicientibus, mens  
est occupanda: varijsque operibus exercendâ  
manus, aut Dei obsequium, aut proximi vti-  
litate quærentes. Sin malimus Emble-  
mate quædam innuere Corda, quæ

INTERDIX TANTVM, iucundis  
nimirum temporibus Deum  
glorificant, cum au-  
tem digitus Do-  
mini tetigit  
illa,  
patientiam eiurant, &  
Deum minus indul-  
gentem incu-  
fant.



## XXXVII.

*Gratiâ, & Arbitrio.*



**C**Or geminum, figuli rotæ insidens vides. *Paulum* tibi, & *Iudam* exhibeo : vterque Dei plasma. Amavit vtrumque Deus. Peccauit (notum vniuersis) vterque. *At Gratia, & Arbitrio Vtens*  
 K 2 Paulus,

Paulus, Vas Electionis efficitur, Doctor Gentium, Tuba Spiritus Sancti, Fortissimumque Ecclesiae columen. *Abutens Iudas*, suspendium ludit, choro Demonum irridente: perit, quodque miserrimum, bis perit, qui viscera solo spargit, qui animam inhianti permittit, imò committit

Diabolo. Caueat quisque sibi. *Perditio, salusque nostra non sine nobis*, prout tamen

Diuinæ gratiæ adnitimur, aut ob-

nitimur, *utentes*, vel *ab-*

*tentes*. Prior eorum

salubre sit nobis

exemplum,

vt

animatus conuertamur

ad Dominum.

\* \* \*

*Opima Triumphi Spolia.*

**D**Escendit in arenam vterque Amor. Cœle-  
stis, ac Sensualis. Diù certatum est inter  
illos. Victoriæ Palma, Cordis erat possessio. Neu-  
ter viribus, artibus pepercit neuter. Diuinus tan-  
dem

dem Monomachus, Mortem qui olim strauit, Dia-  
 bolum vicit, Vulgaris quoque Amoris specie pu-  
 gnantem. Laborauit Iesus Amor, feditque las-  
 sus, prædam vt eriperet Hosti: Postremo ad  
 Crucem confugit, vt arietaret superbum. In  
 Ligno ille vicit olim, in Ligno pariter  
 victus est: solioque Tyrannus  
 Cordis deiectus, spolium o-  
 pimum, Regi Cle-  
 mentissimo per-  
 misit.

DE  
 HIS, CO  
 ILLOS. V  
 ter vultu  
 Gra-

*Gratiarum Septemfluv Amnis.*



**N**illus hic est Cœlestis, non ex Terrestri Paradiso promanans, sed ex Empirei erumpens fœlicitatis Abisso. Pactolum dicerem, aut Gangem, ni Auro, Gemmisque præstantiora adduceret munera.



munera. Ignoram iactant Nil originem, huius quoque abstrusa inter æternitatis viscera. Septeno iugiter effluit gurgite; ditans Animas, quibus placet irrigari. Postremo nobis de fonte, priores haustus obtingant; *Timor* namque *Domini*, *initium Sapientia est*, cæterorumque fœlix Præcurfor Munerum. Dictum est, *Maledictus Homo, qui confidit in*

*Homine: qui vero in Deo confidit, sicut Mons*

*Sion, non commovebitur in æternum. In se*

*confidentibus autem gratias elargi-*

*tur Spiritus Sanctus vberri-*

*mas, sacro septenario com-*

*plexas; per quas*

*habeamus*

*Virtu-*

*tis*

*meritum, Salutis exitum,*

*Perenneque Gau-*

*dium. A-*

*men.*

*Lentè Deliberandum.*



**P**ernici volatu quæ ascendunt Corda, lapsu (ut plurimum) grauiore ruunt. Ex paleis repentè succrescit flamma, repentè extinguitur. Consul-  
to opus est, & maturè agendum, non præmaturè;  
L                      nàm

nàm *Celeritas*, infamis est naufragijs; *Festinationisque*, comes *Pœnitentia* est. Videmus frequentius curren-  
tes, quàm ambulantes cadere. *Fungorum* est, vna  
prouenire nocte. Circa grauiora diù cogitandum ne-  
gotia; nàm *Posteriores cogitationes*, sapientiores sunt  
primis: & *Quod rectè factum volumus*, tradendum est  
*Tempori*. Prudenter Staius. *Ne frena animo permit-*  
*te calenti*; *Da spacium*, tenuemque moram: male cuncta  
ministrat impetus: hinc ab inceptis inconsultò,  
multi turpiter recessere. Huc spectat, (si profanis  
inter sacra fas locum dare) adagium, *Cor calidum*  
*in re frigida*; deductum ex Sophocle in Antigone; ubi  
Ismenem inducit deterrentem Antigonem, ne

Polynicem sepehant, contra Regis edicta:

ab audaciâ namque vt absterreat, Cali-

dum, inquit, in re frigida Cor ha-

bes; audaciam nimirum

malè auspicatam, &

in qua incœpto

vix opere,

fran-

gatur animus,

& cadat.

\* \*

*Spero Videre.*



**S**ermo nobis est cum Fidelibus: non suademus,  
 supponimus Purgatorium: in quo, quicquid  
 sordium tenaciùs Animæ hæsit, felici igne defœ-  
 catur. felici (inquam) spes quoniam ex eius in-  
 L 2 cendio

incendio fulget. Amat Animula mundari, ne cœno  
 adhuc vitiorum fœda, sponso Deo se exhibeat.  
 Pudet Criminum; reliquias eorum cupit emixtius  
 deponere. *Nil quippe inquinatum Regis conspectum*  
*subit.* O ignem supra captum mentis exurentem!  
 dulce tamen incendium est, si captiuitati compa-  
 res, à Deo Animam ablegante. Ignis Pur-  
 gatorij, vt ait Angelicus, *Ignis alligans*  
*est*, cuius *seuora* sunt vincula,  
 quàm flammæ, Animæ, De-  
 um suum anxius pe-  
 roptanti, con-  
 spicere,  
 &  
 intelligere.

\* \* \*



*Expergiscere.*



**E**Xundat aded miserationibus Diuinæ Clemē-  
tiæ Ærarium, vt quos dilexit enixiùs Homines,  
optet etiam in Mortali Vita felicitare: diuitias pro-  
inde, prosperam valetudinem, bona animi, lar-  
giùs

giùs tribuit, vt his veluti salutis adminiculis vta-  
mur: at insolescit iucunditate animus; & inter vo-  
luptatum Papauera Cor sopitum, altiùs dormit,  
oblitù, militiam esse Vitam Hominis super terram,  
ipsique aduersus Hostes multiplices excubandum.

Proh Diuina dilectio! miserta pereuntis inter fo-  
mnificas luxuriæ stirpes, Vrticam mitis ad-

mouet manus: torpentique Cordi in-

geminat, Expergiscere. Vexa-

cio, dat intellectum: sic re-

sipiscens feridò Cor,

cum Regio Pro-

pheta excla-

mat,

Conuersus sum in æru-

mnat mea, dum

configitur

spina.

\* \* \*

*In Vitam Æternam.*



**Q**uis dabit Capiti meo Aquam, & Oculis meis  
fontem lachrymarum, eiulans ingeminabat  
Propheta. Pœnites Peccator, dare nequibat Ca-  
piti Aquam, vt quantum in se erat, à vertice mun-  
daretur

daretur. Recordatus est dicti, Beati qui lugent: Cœpit ergò abundè flere, vt erumpente ex oculis fonte lachrymarum, impleta sit alueus Cordis, adeò vt insiliens, & profiliens Ploratus saluberrimi Aqua, fontem, caput quoque perluentem effecerit, *AQUAE SALIENTIS IN VITAM ÆTERNAM*. Plora Peccator; & *Effunde sicut aquam COR tuum, ante conspectum Domini*; ingemina lugens; *Pater peccavi in Cælum & coram te, iam non sum dignus vocari filius tuus*. De peccatorum fonte, vena exiliat lachrymarum, & oculi resoluantur in fletum: non tamen per genas ad ostentationem voluantur, sed ad conpunctionem per dolorem promanent, largiùs proluentes Cor impurum: Hæ, veræ Pietatis indices, & Deo acceptabiles effluunt, & deliciarum loco, sunt Fidelibus lachrymæ. Hæ sunt fons

Hortorum, puteusque aquarum viuentium, quæ *fluunt impetu de Libano*.

Hæ fons irrigans, iugiter  
manans, vt nostrum in

Deum Amorem

nutriat, &

dile-

ctionis ardorem, admirando

penitùs alat, augeat

què miracu-

lo.

## XLIV.

*In Terra Nostrâ.*

**F**igulinum Cor est, adeò foraminibus concinnatum, ut enutrire disposito ordine flores possit, summâ intuentium iucunditate. Terra, Humilitas est, præstantissima apud se vilitate ita Deo

M placens



placens, vt Virtutum flores huic libentissimè inferat, quibus ipsius oculi, narsque oblectentur. Humilitate, puritatis lilium, pudoris Rosa, poenitentiae gladiolus, Constantiae Amaranthus, sobrietatis Viola, aliarumque Virtutum flosculi, nutriendi traduntur feliciter adedò, vt perenni ceu affuso latice exultent: sibi igitur gratulatur Humilitas, suæ Terræ flores apparuisse, quibus tandem sertum sibi contexere, & Regis Dei Aulam, tanto redimita decore, ingredi possit. Excelsa est Patria, Humilitas est Via: Ergo quærens Patriam (ait August.) viam recusabit? Excelsus es Domine ( idem clamabat. ) sed Humiles

CORDE sunt Domus tuæ. Sic Maria

meruit Dei fieri Mater ; *Terra e-*

nim fuit Humilitatis ; ex

quo *germinavit* Salu-  
torem, & dedit

fructum Be-

nedi-

*Etum ventris sui, quoniam*

*Respexit Dominus Hu-*

*militatem Ancil-*

la sua.

*[Faint, illegible handwriting]*

(122110)

11

*Detur*

*Detur Pulchriori.*



**V** Aleant Ethnicorum figmenta, quibus adeò  
Corda inficiuntur, ut utramque vitam experi-  
rent inter voluptatum iniurias. Faceſſat à nobis  
Phrygio cum Iuvene Cypria Venus, aureumque

exterminetur à puris animis profani Iudicij Po-  
 mum. Cor gemmeum, aureum, coronatum, pul-  
 cherrimæ detur Virginum. Aureum Charitate;  
 gemmatum Virtutibus, coronatum Perseueran-  
 tiâ. MARIA, pulchritudinis Idæa est, de qua  
 æternus protulit Sponsus. *O quam pulchra es.* Hanc  
 vocauit Formosam suam; in eius puritatis oculis  
 vulneratus est. *Pulchra ut Luna, Electa ut*

*Sol: pulchri gressus sui dicuntur. Tota de-*  
*nique pulchra est, & penitus sine*

macula, Dei Mater, quam

Peccatores præsidium

nostrum, Spei-

que nun-

quam


frustratæ suspira-

mus Asy-

lum.

V  
 Dabis

*Dabis Gaudium.*



**M**ercator, simulque Languens est Cor. Lipopsychia sæpè corripitur infelix. *Defecit Anima mea in atrijs tuis. Contristatum est Cor meum: Quare tristis es Anima mea. Si Dolet; Conturbata sunt omnia*

omnia ossa mea: non est sanitas in Carne mea, male tandem se habet miserum, auxiliaremque manum quærit, clamitans tota die. Familiarius Medicis remedium nullum exhilarando Cordi, quam Margaritæ, acris solutæ humore. Has quærit quâ languens; etiam quâ Mercator est; Vniuersi circuens Emporium: Vidit Bonum Margaritam, statim quæ habendi cupiditate flagrauit; coendit itcirco omnia, quæ habuit, cuncta scilicet desideria abdicauit, vt Regno potiretur Cœlorum; iuxta Evangelij Parabolam: gaudijs enim Mundi vilescitibus


sibi, ad æternam cum Beatis læti-  
tiam adspirans, ex Diuina  
ipsam Bonitate, se  
cooperante con-  
sequitur.

\* \*

*Semi-*



*Semitas Tuas edoce me.*



**C**Hristi semitæ, flagella, Columna, Spinæ,  
 Clavi, Crux: tribulationes, labores, vigi-  
 liæ, itinera præcessere Mortem, & ignominiam.  
 Oportuit pati Christum, & ita intrare in Gloriam suam.

In

In tribulatione igitur vnusquisque lætetur, vias enim Saluatoris iam tenet, vt per ipsas breui Commigret ad Gloriam: Qua propter meritò Apostolus in tribulationibus gloriabatur, ad Rom. 5.

sciens quod tribulatio patientiam operatur,  
*patientia probationem, probatio spem;*

*Spes autem non confundit, quia*


*Charitas Dei difusa est in*

*Cordibus nostris, per*

*Spiritum San-*

*ctum.*

*Nescitis Diem, neqꝫ Horam.*



**D**Yonifium Siracusæ Tyrannum, familiari cui-  
dam Adulatori, Ipsum quem mortalium feli-  
cissimum prædicabat, 'conuiuium parasse ferunt;  
eundemque Regia sede locatum cœpisse discum-  
N bere;

bere ; gladio tamen peracutò , sanè quam tenui  
 filo super caput eius , minaci mucrone suspenso .  
 Sui ipsius Adulator est Cor Humanum . Epulo il-  
 le , Euangelicâ tubâ celebris , bona sibi gratula-  
 batur reposita in multos annos : eâdem ta-  
 men nocte<sup>1</sup> , mortalium miserrimus ,


*mortuus est , & sepultus est in In-*

*ferno . Vigilemus ergo , quia*

*nescimus DIEM NE-*

*QUE HORAM .*

{ \* \* }

*Maiestas et Amor.*

**N**on bene conueniunt, neque in vna sede morantur MAIESTAS ET AMOR, si vulgares consideremus Amantes: sed Amor Iesus viæ (inquit) meæ non sunt sicut viæ Hominum. Eucharistia



PIAM SIMVL DEITATEM, TREMENDAMQVE MAIESTATEM  
 connexuit ; vt Deus Hominem adire non dedi-  
 gnetur , sed ipsum se , non tantùm Animæ illius  
 per gratiam, sed & corpori per presentiam comu-  
 nicet. Maiestas cogente Amore , descendit ad  
 famulum . Stupent Angeli, Creatorem dum con-  
 templantur, tota Diuinitatis Maiestate co-  
 ruscum , terras inuifere , terreamquè  
 subire cryptam, vt Animam radijs  
 suæ Charitatis , & Clarita-  
 tis illustret, sui Amoris  
 vrat ardore, suæ  
 denique  
 Car-  
 nis, & Sanguinis alimento viuifi-  
 cet , vt secum in æternum  
 circumflua beatitu-  
 dine viuat .

\* \*

L.

H I C.



**S**Vnt quidam adeò mortalis Vitæ tenaces , vt  
 nullum præter hanc Empireum desiderent.  
 Caro, & Mundus, fluxa desideria faciunt. Horum  
 Anima numquam se supra Corpus attollit : infima  
 isthæc

isthac terrea, summi habent Boni loco. Dolores propterea auersantur; & tribulationes, quoniam ipsorum Cælum, est Terra. Non sic Augustinus; qui perditam iuuentam, sanctissimâ excepit Virilitate. Dei Amans effectus, illicò mundialia est auersatus. Nouerat delicta iuuentutis suæ multa, & magna, pro quibus timebat: sciens tamen Misericordias Dei, quarum non est numerus, vt hâc vitâ à criminibus expiaret, per tribulationes, & angustias, rogabat, dicens, HIC vre, hîc seca, vt in æternum parcas. Dauid sic in Psal. 25.

Proba me Domine, & tenta me: vre renes meos, & cor meum. Tentat enim Deus

vt Coronet; Diabolus vt subuer-

tat, & correctio Dei semper cum dilectione est. Ita

qui scribo, aman-  
tissimum

Redemptorem exora-  
tum percupio.

Amen.

\* \*  
\* \*

*Vbi Thesaurus.*


**G**emina Corda exhibeo. Craterem alterum tenet aureum, signato obrizo grauem, umillis, multiplice torq; gemmis. Insidet pondus inutile, ponderi. Aurum sibi luto par est. Seruit

uit is, ipsi, non imperat. Nullus pecuniæ vsus:  
idem si abforet. O miserrimam Auari conditio-  
nem! Bufo, limo incumbens is est. Totus, vbi  
numismata: nam VBI THESAURVS TVVS, IBI EST COR-  
TVVM. Corculum alterum thesauro quodlibet pre-  
tiosius, insidet Cœlo, Iesu adnexum suauis-  
simo. Vtinam thesaurizemus the-  
sauros in Cœlis, vbi neque aeru-  
go, neque tinea demolitur,  
neque fures afe-  
re possunt.

\* \* \*



*Quò plus nutris, Eò plus lædis.*




**C**orpora impura quò magis nutris, eò magis lædis: Hippocraticum est monitum. Cor vides vlceribus, pustulis, scabie foedum; varijs nimirum criminibus maculatum: audens tamen ad

O fa-

sacrosanctam Eucharistiæ Mensam accedere. Iam  
iudicatum est. Sic Iudæ fuit in perditionem, cœ-  
teris Apostolis in salutem. Iudicium ille sibi man-  
ducauit, & mortem, non dijudicans Corpus Do-  
mini. Sumunt boni, sumunt mali, sorte tamen inæ-  
quali, Vitæ, vel interitus. Veterascunt aliquando  
cordibus, peccatorum neglecta vlcera; quæ  
familiaritate Sacramenti deteriora  
redduntur. Caueat quisque sibi,  
& phagedænas plagas, pæ-  
nitentiæ Balsamo  
compescat.

\* \* \*

*Fige Valide.*



**D**ominicæ Passionis memoriâ Animam sum-  
moperè iuvari ; Salvatoremque Iesum Do-  
minum mirificè his meditationibus delectari, no-  
tissimum ex Doctrinis, ac Reuelationibus Sancto-  
rum

rum : ac potissimum diuarum mulierum Gertrudæ, Brigittæ, Catherinæ Senensis, Theresiæ . Cor ergo Diuino ardens amore, Deiparam sic deprecatur enixius . Sancta Mater istud agas, Crucifixi FIGE plagas , Cordi meo VALIDE ; vt si qua fieri possit , contemplationis intensione, dignati pro nobis pati Redemptoris , secum diuidantur poenæ . His enim Characteribus Cor impressum , certum Salutis gestat in se Chyrographum , vt de electorum numero , meritò censeatur . Tepent Hominum Corda : Amoris vt eliceret scintillas Deus, excutiendas suæ Passionis Chalibe voluit .

Amore itaquè calens Cor, eadem sibi infligi vulnera cupit, quæ Christo fuerunt infixa .

Id moris fuisse legitur quibusdam Orbe nostro diuisis Gentibus ( vt Diodor.

lib. 4. cap. 1. ) in


Amoris indicium,

*ijisdem se fauciare vulneribus ;*

*quæ REX acceperat .*

## LIV.

*Maior est Misericordia Tua.*




**L** Vdionem, eundemque furem, mœchum, fici-  
 rium, blasphemum, sacrilegum; ex aleis, crimi-  
 nenâ, scorto, trucidato cadauere, alijsque signis  
 expressum vides. Singulis criminibus, æterna de-  
 bentur



bentur supplicia, quoniam æternus est Deus, cui per scelera displicuit scelestus seruus. Immenſa tamen Diuinæ miſerationis abiffus, pœnitentem reſpuit nullum: *quotieſcunque enim ingemuerit Peccator, ampliùs non recordatur peccata illius.* Vnus Iudas, & ſi quis alius ei ſimilis, deſperatione ſe prodidit, cui ſcelus par nullum: detrahit enim hic ei, in quantum poteſt, Diuinitatem, *Cui proprium eſt miſereri ſemper, & parcere: nam eſt veniæ largitor, & Humana Salutis amator, pro qua ſemetipſum tradidit, formam ſerui accipiens, & uſque ad Crucis mortem obediens. Tanti utinam non ſit laboris diſpendium.*

*Dies Mei sicut Umbra.*



**P**eccatum Aeternitatem cum annis , & mensibus commutavit : rapidissimumquè mortalitatis peperit cursum : Homo exinde , *quasi Flos egreditur , & conteritur* . Iamque Morte capitur ,  
qui

qui mox initiatus ad Vitam. Sic Rosa fatiscens, sui luget Orientis Occasum, lachrymis dum roscidis morientem purpuram rigat; pulchritudine superbiens ephemerâ. Ictu oculi cadit, quæ egressa vix calicem, allicuit oculorum obsequia. *Floris instar Homo procedit ex occulto, & per Mortem ad occulta retrahitur.* Momentisque ocyssimè transuolantibus, cuncta rapiuntur. *Vniuersa Vanitas, omnis Homo viuens.* Vanitas umbra est, & Nihil. DIES MEI SICVT VMBRA *declinauerunt*, fælicissimus ait Regum. *Anni nostri sicut Aranea, & breues dies Hominis sunt; & numerus mensium eius apud Deum,* Patiens lugendo cecinit. Nil aliud est Homo, quàm sepulchrum ambulans, cadauerque sensibile: nos autem inepti fallimur, Mortem qui procul esse conijcimus. Fragiliores vitro sumus: illud, licet fragile, si seruetur durat; nos cadimus; *nec in eodem statu diù permanet Homo.* Angustum, & anxium


Vitæ mortalis tempus: *Bonis tamen Mors beneficij loco, citiùs nam ad Deum transmittit.*

Viuamus ergo, quasi quotidie morituri: & solidiùs nos comparemus, æternùm manfuris: fluxa

namque  
sunt, & vtilia, quæcunque sunt infra  
sydera.

*Rectum*

## LVI.

*Rectum Innoua.*

**R**ectum ut in se renouaret Spiritum, Prophe-  
 ta Rex, supplex orabat Deum; Spiritus quo-  
 niam quemadmodum corpori multi sunt, natura-  
 les, vitales, & animales, ita & Animæ multi sunt

P

Spiri-

Spiritus: inflexi plures, & obliqui, idest, terrena respicientes. Ambitionis quippe Spiritus Dignitates, Avaritiæ Lucra, Luxuriæ Voluptates, cæterosque percurrere. Hos sibi exitiales intelligebat David; ex quo *rectum Spiritum*, idest, rectilineum postulat, & ex Cordis centro ad Deum nullâ circumflexione tendentem, & qualem lachrymarum copiâ obtinuisse cognouimus: cum enim per Pœnitentiam surrexisset à crimine, adeò ante Dei conspectum probitate claruit, vt Homo dici secundum Cor Omnipotentis meruerit.

Nulli gratiam denegat Deus, qui  
 cum summum sit Bonum,  
 suapte naturâ commu-  
 nicabilis est, ni-  
 si respuat  
 Cul-  
 pa Bonitatis ac-  
 cessum.

\* \*



*Distrabor non abstrabor.*




**P**atrem familias vides, laxiore vinculo, præu-  
lido tamen, Cruci alligatum; Circumstant quæ-  
cumque mentem. Hæret quidem Cruci, quam ei  
Deus elegit, aut quam sibi delegit, vt separari o-

P 2 mnino

mnino renuat, aut etiam difficiliter possit, nisi à re-  
cto tramite voluntas deflectat: verum, in diuersa  
rapitur; vt sin abstrahatur, certè sapem muro à sa-  
lutari Trunco miserè distrahatur: pluribus enim  
Dominis seruire simul non possumus. Fælices,  
quibus ex Diuinâ miseratione, prudentique arbi-  
trio, ad contemplationem apti recessus con-  
tigere; ybi orationis energiâ ad Deum  
ascendere, eidemque per Chari-  
tatem vniri conceditur; Di-  
gnitatibus, Diuitijs,  
Voluptatibus  
posthabi-  
tis,  
& despectis; Amanti etenim  
verè Cordi, Deus  
est omnia.

\* \* \*

*Nihil me Separabit.*



**Q** *Vis nos separabit à Charitate Christi? Interrogat Paulus ad Rom. 8. tribulatio? angustia? fames? nuditas? periculum? persecutio? gladius? siue de Christi Caritate erga nos, cum Toletio, & Pererio intelligas,*

telligas, siue de nostra erga Deum, cum Chryso-  
 Theod. Ambr. Theofil. Anselmo, & alijs, statim  
 vinctum Cruci Cor respondebit: NIHIL. Non  
 tribulatio: quoniam (ait Paulus) *in tribulationibus*  
*gloriamur*. Non angustia: quoniam vt Cete pisci-  
 culos, ita absorbet ampla Charitas Christi ango-  
 res. Non fames: quia Cibus noster est Christus.  
 Non nuditas: quia Charitas Christi vestit non  
 tantum, sed armat: Lorica est enim. Non peri-  
 culum: veteranus nam mille non deterretur; am-  
 bit, non fugit illud. Non persecutio: quoniam  
*Principes me frustra sunt persecuti; vt à Christo*  
*abducerent: Non gladius; nam mihi viuere Chri-*  
*stus est, & mori lucrum.* Quarè audiat me Cœlum, me  
 Tellus audiat; Nihil (Paulus inquit, & cum Pau-  
 lo Cor Dei Amans) me separabit à Caritate Chri-  
 sti. Tenaci adedò Amoris glutinò sic hærebat Pau-  
 lus, vt iam dissolui optaret, cum ipso vt ef-

set. Pauli Peccator sancta legat ve-

stigia, & saluti trunco deuinctus,

Crucis se trophæum osten-

dat, & à Christi Cha-

ritate ablegari,

nullo pa-


tiatur

astu Inimicorum.

Spirituali-

um.

*Posuit Constantia Metas.*



**S**eptemplici transfixum Gladio, Cor deiparae  
vides. Tale vulgaris pingit Pietas, septenis  
quoniam potior fuit Dolor: at *quid aliud Maria Vi-*  
*ta, quam Dolor?* Iesu Filij Passioni ingruenti sem-  
per



per adfixa, etiam Gaudia Dolor, miscuit. Cognouit se DEI Matrem, Verbum sibi Æternum est gratulata: quoties verò Cruci mente concepit fixum (quod non cogitauit nunquam) transfuerberata gladio, eius Anima complorauit: Ita tamen vt Diuinæ voluntati subscribens semper, suos dolores sin compescere potuit, æquo saltem animo tulit. Non Niobem, non Hecubam fabulamur, Christicolæ. Veram Dei Matrem

stupefcimus, & venerantes contemplamur; quam vnâ Po-

SVISSE CONSTANTIAE

METAS merito

dicimus.

*Mu-*

*lierem sic Fortem in Matre,  
Iesus: in Maria, Mun-  
dus inuenit.*

\* \* \*

*Nulla*

*Nulla est Redemptio.*



**C**Ogitatu horrendum obtundo. Mors quidem  
 communis omnibus, non Infernus. *Nasci, pa-*  
*ti, mori*, hominum est; non damnari. Subit Infe-  
 ra nolens nullus. Lex impletu facilis; at rebellis  
 Q animus,

animus, levis quoque oneris est impatiens. Labores qui recusat contumax, pœnas cum æternitate luit. Viuens, commorietur perpetuè Diabolis, qui Angelis æternùm contempserit collatari.

Resipiscat Christi sanguine redempta Anima, nè tàm præstans gratis prodigatur thesaurus; atque Redemptori debitas persolvere gratias cum beatis, (felicitate perrenni diues ) ex hoc sæculo nigrans, possit.

*Non potest Peccare.*



**A**dmirandum planè videri potest , quod E-  
 uangelista , dilectus scribit . *Qui diligit Deum*  
*non potest peccare* : Cum habeamus ex Propheta,  
*Omnis Homo mendax* ; cumque *septies in die cadat iu-*  
 Q 2 stus.

*Ans.* Verùm si exàctiùs Ioannis perpendamus dictum, fateri prorsus cogemur, Qui dominum diligit, non posse peccare. Quoniam Amor est Vnitivus, & qui Deum diligit in eo manet, & Deus in eo: impossibile autem est, manentem in Deo peccare; statim enim ut peccat, longè fit à Deo; nec affirmare licet, peccantes Deum diligere; peccatum namque vindictam clamat, vindicta verò delictum, aut iniuriam supponit: quæ dilectioni implicat; & sic verum est Ioannes assertum: *qui*

*Deum diligit peccare non possè.* No-

stri igitur Amantissimum Iesum,

mutuo diligamus Amore;

est enim dilectio, con-

tra peccati vi-

rus, præ-

stan-

tissima Anti-

dotus.

\* \*




*Non despicias.*



**C**Or contritum , & humiliatum , sacrificium  
Deo , spiritusque contribulatus . Turgebat  
pridiè peccatis ; attritus est dolore tactus intrin-  
seco , Deo quoniam suo suauissimo , & optimo dis-  
plicuerat .

plicuerat. SI VIRGA POENITENTIAE, CORDIS RIGOREM CONTERIT, ( vt sancta Canit Ecclesia in Hymno OSOL SALVTIS INTIMIS, CHRISTE REFVLGE MENTIBVS ) defilit in fragmenta, & Alabaſtri inſtar fracti, & Nardino oplet, nares Dei ſuaui replet fragrantia: vt per gemmeas, aureasque ſciſſuras, ſalutaris irrepit Gratia.

*Non Plus Ultra.*



**C**Alpem, & Abilam posuisse Herculem nauigantibus metas, fabulati sunt Veteres: apage à nobis fabularum inuolucra. Sacrosancta nos Mysteria pangimus, & quorum celsitudine

ne mens & laborat , & gaudet . Abilam , & Cal-  
 pem Diuinæ Potentiæ , & Diuini Amoris posuit  
 Eucharistiæ augustissimum Sacramentum , quo se  
 Deus Homo comunicauit hominibus ; cum quibus  
 suas sic esse delicias voluit , vt se ipsum veluti fœ-  
 deris obsidem , tota simul Humanitate , & Diuini-  
 tate adorandum , & assumendum præbuerit . Sic  
*Panis viatorum* effectus est Deus ille , *in quem desi-*  
*derant Angeli prospicere* . Meritò Hic ergo exprobrat  
 ingratis , ( quibus se dedit in remissionem  
 peccatorum , & præmium vitæ eternæ )

*quid potui facere , & non feci ?* nihil  
 enim Omnipotentia , Sa-  
 pientia nihil , nihil Bo-  
 nitati supererat ,  
 ampliùs cū  
 nihil

Deo præstantius , ac digni-  
 us possit à Deo Crea-  
 turæ comuni-  
 cari .

*Mutatio Dexteræ Excelsæ.*

**C**OR vides pridè fordidum lethali peccato-  
rum vlcere Magdalenæ peccantis, mundus  
quod ambit muliebris, quinimmò meretricius. Pro-  
corum imaginibus, Vnionibus, armillis, Vnguen-

R tis,



tis, tenijs, speculoque insueuerat, proiecit cunctas, discussâ oculorum caligine, & ad se ipsum reuerfum, flagella blanditijs, lenocinijsque voluptatum suffecit. Vtinam quam habuimus criminum comitem, pœnitentiæ exemplum sequamur. Ergo mutatam Excelsi dexterâ, septem Olim Demoniorum stabulum, nunc Dei Tabernaculum veneremur.

\* \* \*

*Inueteraui.*



**P**Eccator, cum in profundum venerit, spernit :  
iccirco suos inter hostes inueterat, quoniam  
Christi suaue iugum detrectat; asperrimo vero, ac  
grauissimo spiritalium Tyrannorum iugo insue-  
uit.

R 2

uit. Sic perfida Hebræorum Gens illa, cepis, ac  
 cernibus Ægypti familiariter vsa, Terram fluen-  
 tem lac, & Mel contemnebat, quinimò auersa-  
 batur. Resipiscat Peccator tandem, iu-  
 gumque Diaboli excutiat; eluso vt  
 Mundo, & Carne subactâ, pos-  
 sit Cœlorum Moderatori,  
 & Gloriæ Regi, tota  
 æternitate con-  
 uiuere.

\* \*  
 \*

LXVI.

*Ex aliena Noxâ.*

**A**pprehendit dexteram Vipera , longè diffi-  
 tam à Corde: Cor tamen occupat Venenum,  
 & Mors. Manus Principis sunt quot quot eius  
 gerunt vices. Hi si à Iustô defleant sciente Re-  
 ge,

ge, ipse plectetur; & *Alienâ Noxâ* peribit. Ei enim Onus incumbit probos, & sapientes Viros ad Ius dicendum deligere: nil enim difert, aut ipse iudicet, aut alius ex eius imperio. *Diligite iustitiam, qui iudicatis terram*, & avaros, turpesque criminum notis iudices, à tribunalibus arcete: reddenda nam vobis erit ratio de ipsorum iniquitatibus: sic Regius vates sibi timens clamabat,

*Et ab alienis parce seruo tuo.* Idest remoue quæ mihi nocitura vides: *par-*

*cere* enim, non semper *in-*

*dulgere* significat, sed

*abstrahere*; sic Vir-

gil. 3. *Æn.*

*Parce*

*pias sceleram manus. Subditorum*

*sanguinem requiret Deus,*

*abijs qui præsunt;*

\* \* \*



*Rapientis Esca.*

**A**ccipiter, antiquis quasi ter acceptus est di-  
 ctus: felicia quippe ex eius occurfu somnia-  
 bant Omnia. Inauspicatus est Infernus Accipiter.  
 Expetit Corda Deus, vt viuificet; Hic, vt deuo-  
 ret.

ret. Accipiter proximus Terrę volat, ne prædā quam captat, se prodat: Diabolus in insidias semper. Prædā iam captā oculos effodit Accipiter, vt spes adimatur fugā; Diabolus Peccatores excęcat. Semper esurit Acipiter, vt vel stercora deglutiat. Os inferni semper expletur, nec vel maximè impiā animam respuit. Columbas tamen acrius insectatur, id est puras Animas, vt Creatori eripiat Amanti: per Accipitem enim Ægyptij, Principatum per vim & dolum, adeptum notarunt; vt Plutar. de Osir. Celer in capiendis auibus Accipiter, celerrimus in captandis animis Diabolus. Ob hoc Antiochus, dictus Accipiter, quia summoperè in expeditionibus celer. Crudelis præterea; ex quo Chrysost. in Matth. Pharaonem vocauit Accipitrē. Si quid de præda is appetit, COR eruit & vorat, vt Alb. Magn. lib. 23. de Animal. licet Arist. 9. Histor. c. xi. Pliniusquē lib. 10. c. 8. id negent. Cor igitur, debitum Deo, Hosti teterrimo subtrahamus: & quoniam Panis Hominem nutrit, & Accipitrem euecat, sæpè Cœlestem Panem, Eucharistiam commenducemus, sic Cor nostrum, Pessimum eludet Accipitrem.

*Vulnus*


*Vulnus, et Medela.*

**E**Andem vtrinque mulierem vides. Procacem  
 olim, formosam, hilarem, succi plenam, pur-  
 purâ, & candore amabilem, iussisque sequacem;  
 adeò deperiit Cor, ei vt hærens, à se ipso, quod-  
 S que

que longè deterius, à Deo recesserit . Muto modò  
 silentio horridam, gelu rigidam, squallore marci-  
 dam, vermium tandem escam iam adedò auersa-  
 tur, vt ad se ipsum, quodque longè laudabilius, re-  
 uertatur ad Dominum . Nix de fimo effluxit, sic  
 candor prouolutus in stercore . Sirenes à gutture  
 abihere, aurum à coma, Ebur ab vbere: fœtent om-  
 nia, absterrent intuentem, dispellunt . Accur-  
 rite fluxæ amantes formæ . *Vulnus*, Os Mulieris  
 infixit, mulieris Ossa *Medelam* dabunt . O dulcis  
 memoria Mortis ! ò salutare aduersus Carnem A-  
 lexipharmacum ! Iam tandem à pectore Amoris  
 impuri flammæ faccessite: precoci spargitur coma  
 cinere . Resipiscamus . Siquè Mulierem viderit  
 Oculus, & placuerit, illicò Mens exurgat, Sensum  
 sic increpans . Quid ad me forma procax? Elegans  
 est? Et ipsa, id si conabitur, ad Beatitudinẽ tēdit . Suo  
 aut creata Viro, propagetur vt sacrò vinculo spe-  
 cies : aut Virginitate illibatâ, eius vt candore, cœ-  
 lestes latentur sedes . Ad me ea nihil . *Qui vi-*  
*derit Mulierem ad concupiscendum eam, iam mœchatus est*  
*in Corde suo* . Mortis impluente memoriâ, impuri  
 protinus frigescet Amoris æstus . *Forma Meretri-*  
*cis, laqueus est Diaboli . Omnia retibus plena sunt . Esca*  
*ostenditur, laqueus absconditur, vt incautè accurrentes,*  
*bamum uoremus* . Felices qui de periculo educti,  
 ad te Deum peruenire meruerunt .



*Miserere Deus.*



**E**Xiguum quidem, mirandum tamen illud Animal, Apulis familiare, Philosophis ingens obtulit disceptandi, ac meditandi argumentum. Phalangio simile, ex Tarento, Tarantulæ nomine est




infignitum. Iubet somno torpere, quos momordit incautos. Ex Harmonya salus: Choræas quippe faucius ducit ad ingentem sudorem, & sic peculiari sibi sono sanatur. Tarantulâ demorsum dices Peccatorem. Hic aut somno merfus pigritat, animæ contemnens lethargum: aut agitur miser; nam *Pax non est ossibus meis* (clamat Dauid) à facie peccatorum meorum. Huic tunc sanari contigit, cum verè ad Deum reuersus, MISERERE MEI DEVS, ex animo auspicatus, *super niuem dealbari* meruit, vt per Choræam Penitentia, exultarent *Ossa humiliata*. Cum Augustino clamemus ad Dominum. *Ægrotus sum, ad Medicum clamo, cecus sum, ad lucem propero, mortuus sum, ad Vitam suspiro: Miserere mei Fons Misericordiae, & cum Dauid iterum. Vide Domine Humilitatem meam, & dimitte vniuersa delicta mea. Peccata perpetraui innumera, & magna, non tamen despero; quia ubi abundauerunt delicta, superabundauit & gratia. Miserere Domine, ne desperem, sed te sperando respirem:*

& si ego commisi vnde me damnare potes, tu non amisti, vnde saluare soles:

Quid enim est Ie-

sus, nisi Saluator?


*An in Corpore, an extra?*



**H**æreo profectò, an sensa promam circa Em-  
blema. Haud videntur scribenti absona.  
Immutent, deleantque prò vt opus Patres. Raptus  
est Paulus ad tertium Cœlum: & vidit arcana, quæ  
non

licet Homini loqui . Duo me iubent stupêre . Cur  
 Apostolo visa loqui non liceat , nequè tamen sile-  
 re iussus ( si rectè memoro ) . Curuè tertium tran-  
 scendere Cœlum non potuit ? Renuit calamus pro-  
 gredi , eaque proferre , quæ nullibi exarata , nus-  
 quam prolata cognouit . Vidit Paulus ignota pe-  
 nitus oculis non tantum , sed phantasiæ , & intelle-  
 ctui : quâ igitur ratione , ignota per ignotiora po-  
 terat declarare ? Quibus vocibus ? Visa quippe ca-  
 rebant nomine , quamuis explicare placuisset ; ne-  
 que sufficiebant præsigni argumento nutus . At cur  
 tertium tantum attigit Cœlum ? An quia hîc ter-  
 tium , supremum ex Scripturæ , & Patrum more si-  
 gnificat ? An quia paulum prima Dei tentoria di-  
 stabant ; neque rationi par erat , Animam dubiam  
 adhuc an hæretet in Corpore , propiùs ad taber-  
 nacula Dei accedere ? Sol enim , Cor Cœli , quar-  
 tum occupat Cœlum , testante Propheta . *In Sole*  
*posuit Tabernaculum Suum* . Merito igitur sisti-  
 tur Paulus iuxta Dei Tabernaculum ,  
 donec corpore solutus sectâ fœli-  
 citer propter Christum cer-  
 uice , daretur æternâ fœ-  
 licitate ipsum in-  
 ter Cœlico-  
 las  
 contempla-  
 ri .

*Aut pœnitendū, aut ardendum.*



**S**Vnt qui acriùs arguant, pium certè, & laudandum vsum quorundam, qui se flagris impetunt, Deo vt placeant. Improbantium est argumentum, quoniam nusquam apparet Christum Dominum, cuius



vestigia indigni nos discipuli sequimur, se ipsū verberasse: -iccirco neque Christicolę licere seipsum pertundere: tūm quia Naturā docemur declinare, nocitura; multo magis damna nobis infligere: ex quo etiam lege cautum ne quis se ipsum excecet, euires, enecet. Tertiò quoniam à Deo iubemur cum proximo, veluti nobiscum agere: sed illicitum est proximum verberare; ergo neque se verberare licebit. Primo facilis responsio, Christi Carnem impeccabilem non nisi a scelestis fuisse lædendam: elegit nam ipse mori, & Passionis compendio tormenta subire: qua propter corpori suo tam acriter à peruersis flagellando pepercit. Ad secundum, finis valde diuersus est, nam duplex est bonum, & malum: apparens, & reale: damnum igitur quod per vltronea flagella carni nostræ infligitur, bonum est reale, licet apparens malum: nam dicebat Apostolus, *Castigo corpus meum, & in seruitutem redigo*. Non tamen ultra vires, frangendum est: nam moderatio virtutum amissa. Tertiò eodem satisfacimus responso: attendi finem: nam qui proximum verberat, facit iniuriæ causa, aut Supplicij, quod verè implicat Charitati Christi, cui non auersatur sui correctio. Sic Dauid, non solum Diuinæ correctioni acquiescebat dicens, *Ecce in flagella paratus sum*, sed ipsum se cedebat flagris, eò asserente; Et flagellatio mea in matutinis.



LXXII.

*Ne projicias Me.*

**A** Braham sic locutus ad Deum. Gen. 18. sic  
 David Psal. 50. Nullus fortè impensius  
 amavit Dominum, quàm Abraham; vnigenitum  
 qui lubens obtulit filium; Cinerem se tamen co-  
 ram

ram ipso proficitur, & Puluerem; augente Amorem Humilitate: nam *quò se magis iusti deijciunt, eò altius Diuina Charitate inflammantur*. Meruit Abraham trium Angelorum hospitio decorari: se tamen puluerem, & cinerem vocat. Sic Petrus, amplissimis à Christo muneribus ditatus, diuina suspiciens munera, nihil tamen de se ipso præsumens, clamabat, *Exi à me Domine, quoniam homo peccator sum*. Peccatorem se quoque professus est Dauid. *Tibi soli peccaui; & peccatum meum contra me est semper*: audet tamen Diuinam implorare miserationem, exorans, nè à facie Bonitatis suæ proijceret Cinerem, ac puluerem Cordis pœnitentis animitus. Horum Charitatem,

& Humilitatem imitemur, vt cum ipsis tandem Beatis collatari, ex æternâ mereamur clementiâ:

*nam in igne probatur aurum, iusti verò  
in Humilitatis  
fornace.*

Eccl.

2.

*Mundum de Immundo.*



**Q** Vis potest facere *Mundum de Immundo*? nonne tu, qui solus es? Iob. 14. Cor criminibus sordidum, sic cum Patiente clamat ad Deum: nouit enim se de immunditia processisse; & fuisse in ini-

T 2 qui-

quitatibus conceptum : ex quo immunda sæpè  
 (quod ait Gregor.) in mente patitur, quamvis ex  
 iudicio reluctetur : quia conceptus de immundi-  
 tia, dum ad munditiam tendit, hoc conatur vin-  
 cere, quod est. Si quis igitur tentationum insul-  
 tus, ac immundæ cogitationis vires euicerit, non  
 sibi triumphum canat, quia nullus facere mundum  
 potest, conceptum de immundo semine, nisi is qui  
 mundus, per semetipsum solus est. Qui ergo  
 iam mundiciei viam capefcit, aut fastigium  
 tenet, conceptionis suæ memor, co-  
 gnoscat ex munerum largitore

Deo, non ex sua Virtute, vi-

uendi puritatem, ex

subsistendi fœdi-

tate retulif-

se:mo-

rumq; candorem, à car-

nis imparitate il-

libatum cu-

stodiat.

\* \*  
 \*

*Celsi Præludia Operis.*



**M**ARIÆ sponſus IOSEPH ille Sanctiſſimus,  
*Domini ſui Cuſtos*, ſanctificatus ab vtero,  
 cui genis, genibus, plantis Ieſu licuit oſcula fige-  
 re, quamquam Regia de ſtirpe, fabrili tamen ope-  
 ri



ri sese applicuit, Ocium vt vitaret; vtque Virginem, Puerum Deum, sequi aleret. Sæpè Is IESVM vidit adolescentulum, Cruces componere, & appositis transuersim asseribus, quasi lectulo, pansis brachijs incumbentem, sic suæ mortis dum sibi ingereret, cœnoquè Mundo specimen, & veluti acerbissima futuræ Passionis Præludia. Hærebat, sin horrebat Deipara, respiciens Virum, suspiciens Natum: iamque COR altum, Virtutum omnium Ærarium, doloris Gladio trajiciebatur. Amor hinc adfulgebat Æterni Patris, qui Unigenitum Filium dederat (sic diligebat ingratum Mundum!) affigendum Cruci. Illinc Nati pœnas, veluti presentes contemplabatur. O fera

Hominum Corda; rigetis adhuc? En vobis

Puer Princeps Pacis, Magni Consilij

Angelus, Dei tandem Agnus pro

vobis Crucis Aram vltro

conscendens. Moræ,

en, impatiens,

Infans præ-

libat,

quas pro peccatis nostris subire

pœnas, Amore suadente con-

stituit. Solus Amor,

Amoris merces

sit æqua.

\* \* \*

Sal-

*Saluatorem Suspiro.*



Tubà mirum sparget sonum  
Per sepulchra Regionum,  
Coget omnes ante Thronum!

**E**Xhorrescat, quod olim tam frequens, tam gra-  
uiter in Deum peccauit Humanum genus,  
*Iudicis*

*Iudicis* adpropinquantis Imperium : Puffare denuò  
 incipient ad Vitam CORDA, simulque palpi-  
 bunt ad metum. O dies horrenda ! Caligant ocu-  
 li, artus fatiscunt, stylus excidit meditati. O  
 dies ! Presens est Deo, cui Æternitas est pro Tem-  
 pore. Contremiscit Cor horrens, & orans à Chri-  
 sto veniam implorat : *Quem enim Sustinere Iudicem*  
*nequit, Salvatorem habere suspirat.* Est adhuc etiam  
 Miserationi, tunc vni erit Iustitiæ locus. Misero  
 (eheu) demersi veterinò, excite tandem mor-  
 tales. Mors imminet singulis ; Iudici-  
 um subite pœnitentes ex COR-  
 DE, COR enim sæuum si-  
 bi Iudicium astruit,  
 nisi in se TOTO  
 conuerta-  
 tur  
 ad Domi-  
 num.



*Non ultra id quod possum.*



**C**RUX omnibus piè viuentibus data est : siue nobis Deus ad vtilitatem nostram imponat ; seu nos deligamus , suscipientes. vt ipsum, Crucem omnium grauissimam gestantem strenuè, & præeun-

præeuntem sequamur , & ad propriam gloriam  
 per tribulationes ingentes introeuntem . Est au-  
 tem Crux ferenda viriliter, & cum gaudio ; in Cru-  
 ce enim est Consolatio , nam per ipsam probat nos  
 Dominus . *Deus autem fidelis est* ( inquit Aposto-  
 lus ) ; *neque permittit nos tentari ultra id , quod pos-*  
*sumus* : alacri ergo animo subeunda Crux nobis,  
 nostri vt Seruatoris sancta colligentes vestigia,  
 eidem possimus in Cœlis , beatificâ læti visione,  
 perenni felicitate adsidere . Iugum Christi Crux  
 est , lex nimirum ipsius suaui , non vt lex Mo-  
 sayca ; cuius onus importabile vocat Petrus Apost.  
 Act. 15. & Saluator Matth. 23. *Phariseicarum tra-*  
*ditionum onus importabile* asserit . Leuitas autem , &  
 commoditas Euangelicæ legis, in Fide & Dilectio-  
 ne consistit . Æqua , quoniam rationi , & Na-  
 turæ consentanea : Commoda , quoniam in no-  
 bis est adimplere . Iugum igitur Christi suaue est:  
 ad quod suscipiendum nos vocat Dominus ,  
*vt inueniamus requiem à laboribus nostris .*

*Collum subiiciamus ergo lubentes*  
*iugo , & suscipiet anima nostra*  
*disciplinam , in proximo*  
*enim est inuenire*

*eam: vt Ec-*  
*clesiast.*



## LXXVII.

*Id Amor potuit mutuus.*



**C**aptum excedit Mentis, quod de CATHE-  
 RINA Diua Senensi, fideli recensetur Hi-  
 storia quodd, *Aliquando Christus cum Sanctissima Ma-  
 tre, alijsque Sanctis, Illi apparens, sibi eam, Diuinā*  
 V 2 *quadam*

*quadam ratione desponsauit : illud pariter , quod mutauerunt inter se CORDA , Christus , & Catherina Senensis ; vt cum Paulo ipsi liceret exclamare , Viuo ego , iam non ego , viuut vero in me Christus , & cum Sponso Canticorum potuerit Dominus sponsæ sic fari , Abstulisti Cor nostrum , soror mea sponsa , iuxta septuaginta . Sponsa vero respondere , Cordificasti me , sic explicante Nazianzeno verbum Vulnerasti . De Diuâ Hac Virgine olim , tenui planè , & humili auenâ sequentem pangebam Hymnum Apodon .*

---

**S**alue Senarum Gloria ,  
*Quas super Astra pronebis ;  
 Virgo salue lectissima ,  
 Flos , Gemma , Sol Italia .*

*Rosam Te Pudor efficit ,  
 Puritas Liliū niuea .  
 Adamantem , Constantia ,  
 Pyropum Amor flammeus .*

*Illustras Orbem radijs ,  
 Ordinis Iubar nitidam ;  
 Fugas errorum tenebras  
 Cœlesti disflua Lumine .*

*Puella*

*Puella (ò mirum!) paruute  
Immensa patuit TRINITAS  
Fragili ut clausa Corpore  
Empirei sinum cerneret.*

*Prudentum norma Virginum,  
SPONSVM quasisti feruida,  
Ad altum Cœli thalamum.  
Alis elata Spiritus.*

*Flagris, ieiunio, precibus  
Fregisti Carnis impetum,  
Hostemquè Inferni pessimum  
CRUCE calcasti domitum.*

*Stipe nam carens, Pauperem  
Ut vestias, te spolias:  
CRUCEM QVE das argenteam,  
Gemmeam quam Christus referet.*

*Data Qui SPONSI dextera  
(Id AMOR POTUIT MUTVVS)  
Mutatis sinu CORDIBVS  
Celsis te euexit Nuptijs.*

*Quem deperisti enixius  
IESVM, iam tenes arctius:  
Et imis clausa Laribus,  
REGIS heres amplexibus.*

*Chri-*

**CHRISTO** iamque persimilem  
*Quina TE ostendunt vulnere :*  
*O cara , ò felix unio ,*  
*Christi , & Amantis Anima !*

*Valete ò Mundi Gaudia ,*  
*Cœnum , quisquilia , cineres :*  
*En noua Amoris munera ,*  
*Amans AMANTEM exprimit .*

*Gloria sit Altissimo ,*  
*Senis qui dedit Virginem ,*  
*De Sanctitatis apice*  
*Obstupefcendam feculis :*

*Pulvis ad Pulverem.*



**M**Vtuo feruent Amoris igne Corda isthæc  
 vitrea, pollinem Maris inter se se recipro-  
 cantia; inania scilicet desideria, inquieto semper  
 æstu commota. Nescit quietem vulgaris Amor:  
 vult,



vult, non vult, mœret, timet, suspicatur, concupiscit, semper impatiens; at inter flores fluxæ formæ dum foelicitatem venatur, latentem offendit anguem doloris: vires adedò frangentis, vt per vigilias sæpè, & inedia, tabem non rarè incogitantes incurrant, vtriusque sexus Amantes: quorum munus, PVLVEREM transmittere AD PVL-

VEREM, insano dum furore perciti exanimantur.

Diuus Amor, lumine, & claritate

coruscus, quò ardentior, eò suauior,

si quæ torrere gestiat

Corda, simul illustrat,

& expiat, vt ad

sublimia

Cœ-

lorum culmina, re-

cto deferantur

volatu.

\*\*\*

\*

*Cor Corde Rependo.*



**I**Nter Bocacij Fabulas, ( quarum nonnullæ licentio-  
 centiore impietate scatent, quam vel Ethnici  
 declinassent ) lepida, & quales omnes optari pos-  
 sent, ea est, quæ de Salernitati Principis Filia.

X

Hanc

Hanc tamen non fabulosam ex Beroaldo lib. Epigrammatum inuenio, quam doctiss. & ingeniosiss. Concionator P. Marcellinus de Pise ex Capuc. Ordine refert Homilia sexta, de instit. Euchar. Cœpit Hanc nobilis Aulicus deperire, nec ipsa casta renuebat obsequia, ut ambo breui reciproco æstuant moris igne. Colloquia alebant flammam: donec coniugium patrarent clanculum. Resciuit Parens Virginis, ægrèque tulit fortunæ impietatem, tam alto vri incendio, conductoque percussore interempti ab eo iuuenis Cor, xenium filix misit. Disco id purpurascebat argenteo, & tantum non palpitabat, cum Virgini oblatum est. Auersata hæc Lycaonium ferculum, Cordis loquacis vota percepit, statimque sequi præeuntem constituit. Efusissimo ergo lachrymarum nimbo rigans amantis Cor, cohibitis spiritibus, Patri fortè audienti exprobens feritatem, ruens in amplexus Cordis, plurimis ei infixis osculis, Cor en tibi tuum, meo

CORDE, AMANS REPENDO: & animo

linquens, expirauit. Vides

Lector infani Amoris

impotentiam, &

Praxi Em-

blema

præcedens com-

probatum.

\* \* \*

*Sic*

*Sic acriùs intueor.*




**O**culatum Cor? maximè. Habemus ex Ægid.  
 Card. super Epist. ad Rom. cap. 11. *Humani*  
*CORDIS* Oculos, dupliciter Fidei Lumine illustra-  
 ri. Oculatum igitur Cor est. At Lynceus sit ob-  
 tutus,

tutus, sint Argi lumina feriò Philosophantium,  
 circa ea, quæ sunt infra Cœlos: sedulâ opus est,  
 & peruigili in Naturalibus indagine. Verùm in  
 sublimioribus, in obsequium Christi captiuan-  
 dus est Intellectus; non enim scientes rem per cau-  
 sam procedimus, aut opinantes, sed per *FIDEM*,  
 vt *Acriùs intueamur*, clausis omninò corporeis  
 oculis; nam *substantia rerum sperandarum, argumen-*  
*tum non apparentium, non per oculum, sed ex auditu*  
*percipitur* (vt Apostolus) *auditus autem per Christi*  
*Verbum*: accedentem quippe ad Deum credere o-  
 portet: est enim *Fides, quasi Lucerna lucens in cali-*  
*ginoso loco*. Caligat namque Intellectus, nisi eum  
 Fides illustret; nil etenim ipse prodest, nisi in-  
 telligendo quæ credimus; & Fides proficit  
 ad credendum, quæ intelligit; vires  
 addens supra Naturam, vt ea cre-  
 dantur, quæ captum supe-  
 rant: *proprietas est enim*  
*Dei (vt D. Zeno)*  
*ea operari,*  
*quæ*  
*credi non possunt.*



*Et super Ninem.*



**S**ordet pustulis, & leprâ Peccati. Cor miserum: nulla ipsi quies, aut sanitas: salus enim est Deus, quies nostra. Cœpit Hyssopô Pœnitentiæ, & Humilitatis curari: Diuinâ abstergente sorditiem

sorditiem dexterâ: incæpitque simul SUPER NIVEM  
 albere. Ea etenim contriti per pœnitudinem, &  
 sui contemptum Cordis fœlicitas est, vt sanentur  
 vlcera eius pessima, & athleticæ valetudini, per  
 Virtutum, linimenta & lachrymarum lauacrum re-  
 stituatur. Sic lachrymis, David adulterij, & Ho-  
 micidij crimen abluit: & qui meruerat pœnarum  
 Barathrum, Deo per pœnitentiam placato, *meruit*  
*promissionem Hæredis, & Vitam cum Regno prolatam.*  
 Cor mundum facit lachrymarum effusio. Calidæ  
 si emanent, amaræ, cinereæ. *Calidas deuotio facit,*  
*amaras contritio, cinereas memoria Mortis.* O Pœniten-  
 tia, quæ Deo miserante peccata remittis, & Paradi-  
 sum reſeras: quæ contritum sanas, tristem exhilaras,  
 vitam de interitu reuocas, gratiamque abundantio-  
 rem refundis. Per contriti Cordis igitur sacrificium,

Deo per pœnitentiæ dolorem satisfaciamus,

perq; humilitatis gemitum, cooperan-

tibus Eleemosynis, & ieiunio, vt

commutatis simul in melius

moribus, pollutam cul-

pis conscientiam

*Super niuem*

*dealbe-*

*mus.*

∴

LXXXII.

*Præciosius Nihil.*

**I**ngens olim visa est Romanis mediô forô hyans  
 vorago : monstrosum os minabatur , breui hau-  
 surum se Urbem . Consuluit superstitiosa de more  
 Cohors oraculum . Respondit , præciosiora si inij-  
 cerent ,

cerent , coaliturum hyatum . Armillis protinùs ,  
 vnionibus , nummis , terræ fauces ex saturare co-  
 nati sunt : frustra . Præstantiora expeti , Oraculum  
 geminauit : interea sæuiebant flammæ erumpen-  
 tes , dehifcebatque ampliùs terra . Gemmas , &  
 aurum , infra Hominem esse , Curtius coniectans ;  
 solus litare flammis constituit , suoque capite Pa-  
 triam à periculo vindicare . Insiliit hiulco bara-  
 thro , statimque conclusa est vorago . Cor nostrum  
 patente hiat ore ( Oris Cordis desiderium scitè  
 Augustinus dixit ) Appetit , sitit ; nunquam dicit  
 sufficit . Expleri nullo potest alluuio . Volupta-  
 tesingere , dignitates immitte , thesauros infun-  
 de , esurit adhuc . IESVS , verè Homo Deus-

que , Prætiõssimus rerum omnium ,

Cordis Bulimum , & Hidropem

sedat . Si insideat hic Cor-

di , occluditur illico ,

nil enim inexpl-

bili deside-

derio

offerri potest , ipso

Deo præcla-

rius .



*Supersflua Detrahit.*



**P**rotheus est Diuus Amor : in quaslibet se se  
 aptat imagines, viliora etiam ministeria per-  
 tentans, grande si Redemptionis opus respiciant.

*Pauperes spiritu, Beatos esse perdocuit : Cor itaque*

Y in



in superflua excrescens, in desideria nempe inania protuberans, presegminibus expiat, opportunis Prouidentia dolabris; vt expolitum, auro celestis Amoris, Diuino laugante spiritu bracteari, gemmisquè Virtutum exornari mereatur; vt Diuinitatis Tabernaculum, per Charitatis, & Humilitatis illustrationem effectum, Sancti Spiritus muneribus repleatur.

\* \*  
\*

Febris

## LXXXIV.

*Febris nostra, Luxuria est.*



**F**ebbris, est Calor extraneus, in Corde accensus.  
 Extraneus est & Luxuriæ Calor, quidquid  
 enim à Deo alienum, extraneum est Cordi. Ignem  
 dixere Græci Febrem. Ignis quoque Luxuria est,  
 Y 2 Corpus,

Corpus, Animumquè exedens, ac mortali absumens incendio. Nil prætermittit Diabolus, quod Hominem miserum aut debilitet, aut perdat. Ira Inflamat viscera, feruorquè dicitur sanguinis circa Cor; at nil alit impensius Iram, quàm Luxuries. Medæam, ac Cyrcem, Luxuria fecit: eadem Atreos, Thyestes: immoderata nam Carnis petulantia, plurimum potest. Fœdum, hæc, animi incendium est; *Virtus quo absumitur, ratio perit, gloria vertitur in infamiam, & animi, Corporisque expugnatur robur.* Hæc senes alioqui verendos, ac conspicabiles, in vulgi ludibrium traduxit, quoniam nec albenti scit canitie erubescere; intimis enim semel concepta visceribus, in sæuiorem (ni Cœlum faueat) semper exardet luem, quæ non nisi multis debellari possit Antidotis: ad extinguendam namque Fornicationem, Virtus vna (ni suprema de Cœlo adfulgeat) non sufficit; vt D. Gregorius. Lues (inquam) tam sæua, vt infernas compleat fedes: nam *Propter hoc Vitium* (D. Remigio teste) *demptis paruulis, paucis saluantur.* Synochus putris est, quæ totius sanguinis massam corrumpit, nec semel migrat in Hæcticam imo mali moris, idest proditoriam; quæ vires repentè prostermit, spiritus inquinat, facultates corrumpit, & intima Cordis occupat; *Cætera namque Crimina* (ait Apostolus) *extra hominem sunt; Fornicatio,*

LXXXV.

*Vniuersi Dominum.*

**C**Or extra Mundi orbitam libratum, Almo  
 Iesu Nomine radiante inculptum, cuius ex  
 sinubus, videtur expansis in altum brachijs Ani-  
 mula erumpere, Sacrosantum Christi Corpus  
 Panis





*Velle Meum, Posse Tuum.*



**L**iberum aded dedit Homini Arbitrium Deus,  
 vt nullo possit subigi imperio. Aded tamen  
 necessaria est Gratia ad salutem, vt *nil sit sibi ipse*  
*Homo, nisi dux in praeceptis.* Nostrum quidem Velle  
 est,



## LXXXVII.


*Cæteri faccessite Flores.*



**E**Xprobat Humano Generi admirandus hic  
 Flos, ingrati prorsus animi vitium. Flos,  
 quem diuus efinxit Amor, Vitæ qui Mortem, mor-  
 tisque ei Vitam inclusit. Serta en spinea, clauos,  
 Z spongiam,

spongiam, columnam, diuino planè expressa ingenio: quibus adnectere placuit, folijs expressum lanceæ mucronem; fructibusque Christi Iesu Cor amantissimum, scatens purpureis seminibus; vt dilectionis ardorem, simulque Passionis vtilitatem, in seculis propagandam manifestaret. Delictijs florum ecce lector impressum dolorum Redemptoris nostri memoriam, nostræque salutis exordia. Quæ cordi nostro ita adpingantur, imo insculpantur, vt dignum Passionis dominicæ conditorium effici mereatur.

LXXXVIII.

*Vno ictu mille.*

**C**OR Deiparæ , doloris gladio transfuerberatum contemplare , qui diuino ferues Amore . Si Iesum diligis , & Matrem amas , Gratiarum veluti Arbitram . Dulcissimum Natum , Virginali

Z 2      nali



nali quem induerat sanguine, Templo obtulit, vt  
 moris erat: ex humilitate, non ex necessitate.  
 Prædixit Simeon Virgini TVAM IPSIVS ANIMAM PER-  
 TRANSIBIT GLADIVS. Senis Verbum, verè GLA-  
 DIVS Mariæ fuit: transfixit Sanctæ Matris Vir-  
 ginea viscera, & VNO ICTV, mille vulnera infixit.  
 Entheatum pectus Constantiâ præpotens, par cui  
 nulla, collecto spiritu, se in dominicæ passionis  
 comparavit angustias, in qua magis doluit; quàm si  
 propria extitisset: dederat quæ Carnea Christo  
 membra, in singulis passa est, tanquam in proprijs  
 tormenta. Dei agnoscebat filium, proinde ægriùs  
 patientem ferebat. O Virgo dulcissima, quos in  
 partu dolores effugisti, in Filij geminasti Passio-  
 ne, vt plusquam Martyr efficereris. Restitit do-  
 lori Virtus eximia, alioquin exanimasset: summo-  
 perè in filij Passione passa, quoniam summopere  
 dilexisti. Animam igitur pertransiuit gladius, non  
 corpus: nobiliori parti infixis vulneribus. Tu no-  
 bis sis fortitudo in fragilibus, & contra Mun-  
 di pericula firmamentum, vt supe-  
 ratis Hostibus, tentationibus  
 deuictis, legitimi certa-  
 minis mereamur Co-  
 ronam.


\* \* \*

*Desolatio.*

**V**era bona Hominis, in Homine, imò in Hominis Corde sunt. Hinc scitè dictum, Omnia Mea Mecum. Arcem en Cordis Archipyrata Inferni adoritur, obsidet, expugnat, populatur.  
Vera

Vera iste bona diripit. Ecce (Lector) Animæ interimenta, & **DESOLATIO** ad internecionem: ea, de quâ Propheta, cum prælugeret Patriæ exitium. Nec spolia gratis asportat Diabolus; pro Fide, Impietatem; pro Charitate, Odium; pro spe, Desperationem; Iracundiam pro Patientia; pro Humilitate Superbiam, miserrimæ Arci immittit: vt si quando velit Cor ad se ipsum redire, Præfidiarij insint hostes, qui redeuntibus se se Virtutibus opponant. Dificillimum ita opus Spiritui obijcitur: adspirante tamen Gratia Dei, & adnitente Hominis Voluntate possibile: vt fugatis sic hostibus, possit denuo Sancti Spiritus muneribus illustrari.

*Nulla ibi Carnis voluptas.*



**E**Rectum Cor in vola radiantis manus, Animam  
 in voluntate Dei quiescentem ostendit. Sen-  
 sus Tactus in Carne est per cutis medium, & pre-  
 fertim in manu, quæ summis digitis ad eò est tem-  
 perata,

perata, vt rite de mollibus, asperis, & similibus  
iudicet. Sic Sensus rebellis, per sensum istum  
contumacior efficitur, nisi Virtus obsistat. Qui-  
cunque igitur Carnis flagrat ardoribus, Cor suum,  
voluntatem nimirum in Dei manu reponat. Ibi  
enim *NULLA CARNIS VOLVPTAS*; vt habemus ex Vi-  
dua admiranda Brigitta Reuel. lib. i. idque potif-  
simum studeant, quibus iam senij beneficio  
deferbuit sanguis inter ea siquidem quę  
summopere Deo displicent (Sa-  
pienti si credimus) Senex  
est *Luxurię obnoxius*;  
ad eius namque  
exemplum  
Iunio-  
res  
titubant, &  
labun-  
tur.



XCI.

*Illuminet .*

**S**PIRITVS SANCTI gratia Illuminet  
 Sensus , & Corda Nostra . Sensus rebelles  
 sic affatur Auctoris Ode Apodos .

A a

*Sensus*

**S**ensus huc usque deū  
 Sensus procaces, perfidi,  
 Tiranna Carnis Famuli,  
 Perduelles in Spiritum.

Organa Vos eximia,  
 Diuini labor genij,  
 Posset ut per vos Anima,  
 Creatorem agnoscere.

Vos tamen Sensus absoni,  
 Carnis lictores pessima,  
 Regem aduersus Optimum  
 Mancipia dira insurgitis.

Sensus, ò Sensus deū,  
 Auriga sedet Ratio,  
 Morem regenti gerite,  
 Celsumque Numen noscite.

Sentes habet, & salebras,  
 Virtutis trames arduus;  
 Ad flores tamen Gloria,  
 Perseuerantes prouehit.

Vana non Orbis Gloria,  
 Qua fumus finus funera;  
 Sed ad Cælorum gaudia,  
 Perpes ubi Incunditas.

O Visus tu qui sapius  
 Formam cadentem suspicis;  
 Et sædam Vrnæ cineris  
 Deambulantem deperis.

Rosis qui genas æmulas,  
 Et dentes vnionibus,  
 Iam libitina proximus,  
 Inter deliria repetis.

*Pectus , qui lacti comparas ,  
Breui aditurum tumultum ,  
Manus , qui niui equiparas  
Osse constructas arido .*

*Olfactus delicatior ,  
Suffitu Moscum proijcis :  
Inter Sepulchri Stercora ,  
Grauis olebis Vermibus .*

*Eia Sepulchrum aperi ,  
Te iunge cadaueribus ;  
Cras eris ipsis similis ,  
Hodie ni Mors infiliat .*

*Valete ( dices ) Cynnama ,  
Thura , styraces , Balsama ,  
Sique meliorem lachrimam ,  
Felix plorat Arabia .*

*Aures , vos aures patula ,  
Obscenis sapè cantibus ,  
Rogo eiurate modulos  
Lasciuientis seculi .*

*Voluptas subit viscera ,  
Attoque vrit incendio ;  
Sopitum ignem suscitât  
Titillans Carnem cantio .*

*Gentium tu falx Ingluuias ,  
Vberior esca vermibus ,  
Vilis Animi sarcina ,  
Pondus fœdum Sarcophagi .*

*Natura prudens refugit  
Hiantis Gulæ Bulimam :  
Vndâ , buccellâ , & olere  
Satis aluntur Corpora .*

*Anima dapes instruit ,  
 Sacrosanctum Ieiunium ;  
 Solusque PANIS , Homini  
 Interno alendo sufficit .*

*PANIS ( si species accidens )  
 CARO cui substat integra  
 Veri DEI Vnigeniti ,  
 Animaeque cum Sanguine .*

*O felix ter Conuiuium ,  
 DEVS , ubi esca fidelibus ,  
 Cibus , & Potum suggeris  
 Ad Salutem , & Gloriam .*


*Tactus , tu Sensus infime ,  
 Dos Brutorum praecipua ,  
 Facesse iam ab Homine ,  
 Aut Rationi inseruias .*

*Nudam palpa Caluariam ,  
 Et vana cordis Clausura ;  
 Contere spinam digitis ,  
 Aridis nexam vertebis .*

*Valete tactus organa :  
 Iam epidermis soluitur ,  
 Mortis per vos memoria  
 Ceteris redeat sensibus .*

*Sensus , ò Sensus deuſ ,  
 CREATOREM agnoscite ,  
 Auriga sedet ratio ,  
 Blandum perferte Imperium .*

*Tunc Satiabor.*



**O** Vium custodem David, ex caula ad Aulam,  
 imò ad Solium Dęs euexerat : iam à Pue-  
 ro dederat Gygantes prosternere : Diuitijs, Di-  
 gnitatibus, Bonisque stipauerat affluentibus : vni-  
 uerso



uerso tandem (inimicis ad interuersionem deuictis) præfecerat Israel; subditi ut innumeris, numerari non possent. Nauseabat tamen Rex prudens super mortalium bonorum cibo leuissimo; & anxio adhuc animo Pax non erat: quoniam nihil est Mundo, in quo vere Hominis Cor quiescat. Quinquagenarius qui scribo à Peripato, Lycæo, Stoa sponte transfuga (proh benè factum) ad Ludimagistram reuertor, ut Elementa veræ Perfectionis addiscam. Diua illa Cœlesti penitus exardescens

Amore Theresia me arctius admonet, indicans nil infra Cœlum amari meritum;

fluxa mundi bona putrescere; Cor

Homini vacuum, haud posse

se imaginibus, & vanitate repleri;

folius Dei

gâu-

dere presentiam, & gloriam, quam

cum apparuerit, uberrimo


beata haustu

exsaturabitur

Anima.

\* \*  
\*

XCIII.

*Viriliter Age.*

**M**artyrum trophæa cernis lector. Laurentij  
 Cratem; Arcum Sebastij, cœtera tu pertur-  
 re, Virorum, quodque magis mirandum, delica-  
 tiorum Virginum perhorrenda tormenta. Præ-  
 stan-

stantissima hæc est FIDEI prerogatiua , vt corpore in Animæ seruitutem subactò ; membrisque in obsequium Christi mancipatis , iam contemnantur Tyranni , imminensque spiculator oblectet. *Viriliter age, & confortetur COR tuum, & sustine Dominum* , hortabatur Dauid : in tribulationibus enim , & angoribus , presens est Numen ; in quo certior est habenda fiducia , quando pro bono opere , aduersa patimur , vt plena merces ( quod ait Gregor. ) in æterna retributione seruetur : nam *Caro mollihus* , *Anima duris nutritur* , illam blanda fouent , hanc aspera ; illa delectationibus , hæc amaritudine pascitur : & sicut Carnem dura sauciant ; ita spiritum mollia necant . Sic D. Gregor. Moral. 10. cap. 24. In Fide igitur viriliter egerunt Martyres : *non ad Martyrium idoneus esse non potest , qui ab Ecclesia Domini , corpore , & sanguine non armatur ad prælium* . Cypr. in serm. de Orat.

Dom. spes ergo , tuta Animæ Anchora , in mera Christi Charitate , fiduciam parit , cum Patientiâ ; vt animus in probatione non fluctuet non desperet , sed resistat , vt coronetur.

..

*Muneris hoc tui.*



**S**olent aliquando Nubes ita disponi, & è Solis regione locari, vt tàm viua eius imago in earum sinu reddatur, vt agrè à vero Sole nubibus impressus dignosci queat. Hoc eodem symbo-

Bb lo

lo vsus olim Eruditiss. Melchior Zoppius Ac. Bonon. iisdem plane Verbis adscriptis, MVNERIS HOC tvi. Nubecula est Anima, per Cordis expressa imaginem. Intuenti benignius IESV, patet humillima; cuius adeò letatur lumine, vt diuino imbuta splendore, Amantis Dei lumen, & Imaginem referat. Crucifixi Domini Parelion, Franciscus fuit, radios vulnerum ex intuitu retulit felix, vt de ipso meritò cecinerit, Musa Pia,

*Exue Franciscum tunicâ, laceroq; cucullo,*

*Qui Franciscus erat, iam tibi Christus erit!*

*Francisci exuvijs (si qua licet) indue Christum,*

*Iam Franciscus erit, qui modò Christus erat.*

*Quod celestis Amor non audet, fingit Amator,*

*Arte noua effigies, vt sit Amantis Amans.*

MVTVATA sic LVCE, Humi iacens, Humile

nimirum Cor, Cœlestis Solis imbuitur lu-

mine, vt radijs ditatus, præfulgeat

Astris, sanctitatis imitandum, &

celebrandum exemplo; Se-

raphicæ Religionis,

toti Orbi terra-

rum vene-

ran-

us Antesigna-

nus.



*Luctaturus Inunger.*



**M**OS fuit Athletarum, vt cum in arenam descenderent luctaturi, largiùs se Oleo illinirent, vt hostilem manum efugerent opportunâ lubricitate agiles. Morti iam insultanti proximus

Bb 2 Homo

Homo, salutari se *Inundatione* præmunit, rapaces  
 ut vngues illudat Dæmonum, si fortè morti suc-  
 cumbat: non enim ipsi turpè est, si Victo Dia-  
 bolo, mortem victricem fateatur, cui se Auctor

Vitæ, nos ut redimeret, exanimandum spon-

tè obtulit, cum in Cruce Mortem mo-

*riendo destruxit, & Vitam resurgen-*

*do reparavit, ut cum ipso*

*tandem per eius Pas-*

*cionem resurge-*

*remus ad*

*Glori-*

*am.*

IESVM resurgentem

Patrem Paracleti

*In Electis .*

**S**acrosancti Rosarii quanti sit recitatio, innumera declarant miracula. Urbium hoc columnen est admirandum. Experimento comperta scribo. Plurimum quoque ad salutis æternæ spem facit,

facit, laus hæc Deiparæ gratissima; *Rosa* quippe *lato tantum*, & *felici prouenit solo*. Triplex est Corona, Rosarium: Filia, Sponsa & Matri Summi Regis Mariæ quæ competit. *Confratres habent Angelos, & Beatos quicunque in Sacrosancti Rosarii, albo descripti sunt, Virginem si attenta Psalterij huius recitatione salutant*, vt Beatus Alanus cap. 3. de eius usu. Neque omittendum, censere D. Gregor. Nazianzenum, (vt Canilius citat) Angelos in Cælo, salutationem Virginis recitare: quod idem prædictus B. Alanus aperte asserit. Amplectamur ergo, summâ veneratione, & fiduciâ, Sanctissimi Rosarii usum; vt enim in Dominicano Breu. lect. 3. sec. Noct. Off. solemnis S. Rosarii, *Admonuit Virgo, hoc genus orandi promptum, ac facile, etiam sibi gratissimum; ad impetrandam Diuinam Misericordiam accomodatissimum; populis salutare; & contra quauis aduersa, presens auxilium*. Spinas tamen non separemus à Rosis, Deiparæ laudibus, Sacrosanctam Diuinæ Passionis connectentes memoriam, vt IESVM resurgentem à mortuis, ascendentem ad Patrem, Paraclitum descendentem, Mariam Assumptam, feliciterque æternæ Gloriæ decoratam Coronâ, possimus viatores meditari, comprehendere, & perfuiri.



*Possunt esse simul.*



**T**Riplicem recensuit Amorem Plato ; Diuinum, Humanum, Ferinum : apage tertius esto. Diuino facilè conuenit, & Humano, simul vt concinnè esse possint, & velint : Rex tamen  
 Diuus



Diuus est Amor, Humanus cui famulari, summi loco honoris ducit: qui enim caligare sapè, & colabi solet, si solus; cœlesti iunctus Cupidini, Lynceus fit, & semper regiâ incedit viâ. Vterque Cordi gestit inhabitare: at *lectulus iste floridus* est angustus: Regi amplior debetur locus; incubet alter vix non deiectus, & summâ cum veneratione Domini stipans latus. Vterque Pulchri desiderio exestuât. Pulcherrimum quoddam Anima est, in qua Pulchrum generare contendunt. Tunc Humanus Amor, Cœlestis prope induit Naturam; quod si ad voluptates defleat, in Ferini facili Amoris vilitatem ruit preceps. Animi Pulchritudo, Virtutum est Harmonia, quarum amissis, moderatio, & nusquam excedens concordia. Animæ thesaurus est Amor, Hominem à Brutorum secernens vulgo. Numinum antiquissimum Plato fabulans seriò, vocauit Amorem: Amor, Deus est, æternus. Hic eius si æstuet Amore Anima, essentiæ Diuinæ ferè participem efficit, & sapientiæ compendiò, clusis quæsitæ per studiorum labores cognitionis ambagibus, ad Deum vsque felici attollit volatu: ac supra se positam, ad inexhaustum Idæalis Pulchritudinis fontem euehit. Seruiat Hic igitur lubens, Regi diuino Cupidini; & purissimi Principis famulus deuinctissimus, Clemens ferat Imperium.

XCVIII.

*Charitatis Victima.*

**T**eresiam ex Mare percussis anguibus in foeminam commigrasse, mendaces effutiêre Poetæ. TERESIAM ex foeminâ mutata emi-  
nenter in Mare, morum seueritas, vitæ austeri-

Cc tas,

tas, Prudentia, Constantia indicarunt. Virago Hæc, Virorum quoque, ne dum Virginum, sacra Antesignana recolitur. Tiresiam præsci Vates, Vatem mentiuntur: Vatem ex Deo TERESIAM non semel, Catholica veneratur Pietas. Illum, ob visam incogitanter nudam Palladem, captum oculis memorat ex Non. Dyonis. cap. 5. Politianus Miscell. 80. quam Græcus ille Auctor, MISERICORDEM appellat. Hæc, tempore Paschali, sumpto Christi Corpore, corporeis etiam oculis, radiantem Eius vidit Humanitatem: vt Maiestatem adedò expauerit, quod nisi protinus lenior adfulsisset MISERICORDIA, oculis non tantùm capta, sed & exanimis corruisset. *Tanto Diuini Amoris COR TERESIÆ conflagrauit incendio, vt meritò viderit Angelum ignito iaculo sibi præcordia transuerberantem; & audierit Christum datâ dexterâ dicentem sibi, deinceps vt Vera Sponsa meum zelabis honorem.* Pontificis insuper Summi Urbani VIII. stilo sic celebrata.


*Diuini Amoris cuspide, In vulnus iccta concidit;*

*O CHARITATIS VICTIMA, &c.*

Attentiùs si quis legerit INTERIOREM ARCEM à Teresa conscriptam, ad salutarem vtique Conuersionem, intensissimumque sui Creatoris Amorem manuducetur.

*Præter*

XCIX.

*Præter rerum Ordinem.*

**A**ltissimum Divinæ Trinitatis Myſterium, longè doctiſſimorum Theoſophorum fatigavit ingenia. Quod tamen ne vix quidem attigit ſtudium, Claræ ſatis clarè expreſſit miraculum.



Prætereamus, quod in CORDE B. Claræ de Monte falco, (vt Vancius in eius Vita) graphicè expressa visa fuerint potiora Dominicæ Passionis instrumenta, illud profectò mirandum est, quod in Cysti felleo ipsius tres globuli inuenti fuerint, quorum vnus eodem grauitabat pondere, quo bini; bini quo vnus, omnes simul, quo singuli. Toto quidem genere admirandum opus, & PRAETER RERVM ORDINEM. Qui ad Naturæ amussim id reuocari posse subtiliore conantur indagine, videntur recurrere ad principia, quæ acerrimo mentis acumine in Archisophicis proposuit Albertus Pompeus Comes, penes quem, per exempla ponderum in trutina, & vocis in diapente, & diapason, doctissimè exprimuntur. Alumnam tamen Pietatis Fidem adeamus, quærentes obsequio, quod ingenio assequi non valemus. Satisque credamus, quod Ecclesia canit venerabunda.

*Ista Virgo tres lapides  
Trinitatis insignia  
Sibi inuicem similes &c.*


Et paulò supra .

*Crucem, Coronam Spineam,  
Flagellum cum funiculis,  
Spongiam, Clauos, Lanceam,  
Columnam nexam vinculis  
In Corde fert hæc omnia, &c.*

*Diri-*



## DIRIGATUR.



**T**uribuliforme Cor, ad Deum tendentis Orationis symbolum est; exorat Anima, ut *Dirigatur Oratio sicut incensum in conspectum Domini*: non enim semper directa ascendit, quoniam orando

orando deficiamus . Sic Zebedei filijs, petentibus dexteram, & sinistram in Regno Christi, respondit Dominus, *Nescitis quid petatis: quodque Apost. ait ad Rom. 8. quid oremus sicut oportet nescimus; sed ipse Spiritus postulat pro nobis gemitibus inenarrabilibus.* Debet autem Oratio iugis esse, & indeficiens: ita Christus apud Lucam 18. *Oportet semper orare, & non deficere.* Sit igitur Oratio ad Dei gloriam, Fidei exaltationem, & Animarum salutem; tunc enim *sicut Incensum* in conspectu Altissimi dirigetur. Sic Barradius in Euang. T. p. l. q. c. 14. Thus (inquit) *Oratio est, quæ Thuris instar, ex CORDE Charitate incenso in Cælum ascendens, gratum*

*Deo odorem præbet.* Tota ergo die

(subdit) si fieri potest *COR* nostrum *Thus* offerat; sitque perpetuum coram Eo

*Thuribulum; iuxta*

illud Greg.

Cant.

3.

*Sancta Anima, quasi THVRIBVLVM, Cor suum coram*

*Deo facit.*

*Oratio*

*Oratio*

*Scribe*

SCRIBE.



AVCTORIS PERORATIO.

*Quarens me sedisti lassus,  
Redemisti Crucem passus,  
Tantus labor non sit cassus.*

DEVS

**D**EVUS , Qui me Corporali proximorum salutem , Medicum præesse iussisti ; præsta deprecor , ut salutem Animæ , ex operibus , tuâ gratiâ iuvante consequi valeam : & IN TE MORIENTI , post Vitæ huius fluxæ deliramenta , per Mortis angustias , & Purgatorij pœnas , ubi Electis tuis æternus Splendor adfulges , feliciter peruenire concedas . Ita voueo , Ita spero , *Indignus , ingratus , & inutilis DEI famulus .*

F. Pona.

**F I N I S .**

JOHANNES BAPTISTA BIEBER

JOHANNES BAPTISTA BIEBER

JOHANNES BAPTISTA BIEBER

JOHANNES BAPTISTA BIEBER

1711







WILLIAM SALLOCH  
Pines Bridge Road  
Ossining, New York 10562

*Salloch*

